

東
華
續
錄

東網續錄

光緒一百六

臣朱壽朋敬編

臣汪錫增恭校

九月壬戌朔予故鑲紅旗護軍參領額勒恆額優卹○福潤奏前准總理各國事務衙門續議保護中外船隻遇險章程嗣後文武汛官遇有中外船隻在洋面遭風觸礁將沈沒者果能奮身冒險救出至三十人以上准其比照異常勞績奏獎每次不得過三員等因東省榮城縣成山頭鎮鄒島一帶洋面暗礁林立素稱奇險曾經前撫臣張曜嚴飭該縣多設船筏設法救護並由東海關道委員設局協同經理旋經該縣印委各員迭次救護船隻出力均經張曜會同北洋大臣李鴻章奏請獎敘欽奉 諭旨允准在案茲於光緒十六年六月初九日二更時分招商局富有輪船駛至榮城縣汪流口洋面迷霧觸礁船底洞穿極形危險客商水手四十餘人爭上杉板致將船上鐵柱折斷人眾全數落水經署榮城縣知縣廉存聞信會同拯濟局委員試用縣丞費邦俊候選縣丞陳錦琪帶領夫役各備杉板馳往救援飭令熟諳泅水之人深入海底將落海者全數救起幸獲全生者三十一名淹斃十一名船內尚有中外水手搭客共五十四人船身瞬將沈沒危在呼吸該員等於波濤洶湧風霧晦冥之際設法將船內之人各用杉板

渡送登岸得慶更生船身立時沈沒嗣後僱募民夫撈獲各色貨物按半折價值銀三萬兩以上經東海關道盛宣懷稟詳有案查該印委各員於招商局富有輪船觸礁沈沒人已落水乃能不避艱險救起三十一名撈獲屍身十一名並救出船內中外客商水手五十四人撈獲貨物折價至三萬兩以上洵屬奮不顧身異常出力自應照章獎敘以昭激勸據該道盛宣懷查明具稟請獎前撫臣未及其奏因病出缺留交前來奴才覆查無異相應繕摺 天恩俯准將六品銜調署榮城縣事海豐縣知縣廉存以同知直隸州知州在任儘先補用總辦拆濟局委員山東試用縣丞費邦俊免補縣丞以知縣仍留山東儘先補用幫辦拆濟局委員候選縣丞陳錦琦俟選缺後以知縣歸部儘先選用出自 鴻慈得 旨如所請行

○癸亥吉陞阿奏請陞見允之○馬丕瑤奏游擊黃守忠捐建書院請為其故父母建坊允之○甲子先是訥清阿奏私立燒鍋一項例禁嚴為其上侵國課下妨民食上年直省被水成災奉 旨暫止燒鍋一年仰見 朝廷軫念民生之意無微不至乃奴才風聞蒙古放罕扎薩克王達木林達爾達克於本年正月間在熱河承德府建昌縣哈拉都哈地方私立燒鍋兩座且盜賣該處常年倉穀並不報明該管府縣交納稅課即民間所存糧米亦恃勢強購小民受累有赴都統衙門暨府縣控告者皆畏其勢大莫敢傳實現又於附近各鎮店意欲多立燒鍋且有指倖由理藩院借銀作為成本之事伏思該藩身膺王爵

世受 國恩值此歉歲反私立燒鍋希圖漁利至妨民食而常平倉穀乃備荒要需豈容少有侵蝕擬請
旨飭下理藩院確切查明嚴禁以恤民隱而重積儲 上諭軍機大臣等御史訥清阿奏蒙古藩王私
開燒鍋請飭查禁一摺著理藩院查明具奏旋理藩院奏稱等查該御史所稱敖罕扎薩克王係昭烏
達盟敖罕扎薩克多羅郡王達木林達爾達克在熱河建昌縣私立燒鍋二座盜賣該處常平倉穀不報
府縣交課強購民間糧米小民赴郡統暨府縣控告皆畏其勢大莫敢傳質等語是否屬實遠在千里臣
院無從得知擬請 飭下熱河郡統就近逐細詳查奏明辦理若果有私立燒鍋及盜賣倉穀等項情事
應由該郡統立即飭令趕緊停燒關閉以重民食至常平倉穀亦應令其如數償補勿得稍有拖欠以符
定制又原奏內稱且有指俸由理藩院借銀作為成本該藩身膺王儲值此歉歲希圖漁利一節臣等查
該王上年具呈因伊先祖墳塋年久失修懇請支借俸銀五年經該盟長查明報院雖與例案相符惟因
近畿一帶被水成災內外籌撥各處放賑當此需款浩繁之際自應先其所急業由臣等酌擬暫緩奏借
俸銀由上年八月間札行該旗遵照在案是該王並未借有俸銀作成本之實在情形謹恭摺奏 上
諭軍機大臣等前據御史訥清阿奏敖罕扎薩克王達木林達爾達克在承德府建昌縣哈拉都哈地方
私立燒鍋盜賣倉穀指俸借銀作為成本各節當經理藩院查明具奏茲據奏稱該王懇借俸銀並未照

准至私立燒鍋是否屬實請飭熱河都統就近查奏等語卽著德福按照原參各節確切查明據實具奏毋稍徇隱訥清阿攢理藩院摺各一件均著鈔給閱看將此諭令知之至是德福奏奴才率同兼護熱河道承德府知府啟紹密商查建昌縣在熱河東北距都三百六十餘里該縣地方周廣計有七百餘里之大迤北卽係敖罕王旗蒙古游牧該游牧地方尤屬遼闊當經密派協領根齡候補知縣章榮邦前往建昌縣會同稅司知縣嚴密訪查並聲明奴才衙門並無民人控告該藩王強購倉穀等情業於三月二十九日恭摺具奏四月初九日原摺齎回奉 硃批知道了欽此欽遵在案嗣據協領根齡等稟稱於三月二十七日馳抵建昌縣會同稅司知縣不動聲色前往各處密爲訪查如原奏內稱敖罕扎薩克王達木林達爾達克於本年正月間在熱河承德府建昌縣哈拉都哈地方私立燒鍋二座且盜賣該處常平倉穀並不報明該管府縣交納稅課又於附近各鎮店意欲多立燒鍋各等語查詢建昌縣所屬並無哈拉都哈地方並詳查該縣燒鍋總冊內共計開設五十一處亦無哈拉都哈地名惟查敖罕王旗有小哈拉道口地方開設保和永燒鍋一座原名永盛廣曾於光緒十四年四月間係敖罕旗喇嘛官寶扎布台吉格什溫吉莫在稅司報開升課又查玉田縣地方有寶泉湧燒鍋一處原名長盛隆係民人趙樹芳等開設光緒十六年十一月間關閉折給敖罕王旗游牧在建昌縣迤北相距五百餘里當卽會同前往小哈

拉道口並縣屬各地方逐一嚴密訪查。敕辦寶和永燒鍋係敖罕扎薩克王達木林達爾達克王之胞弟喇嘛官寶扎布台吉格什喜莫所開業。經報明升課。寶泉湧係台吉格什喜莫生母玉蘭氏所置。因原鋪長盛隆拖欠玉蘭氏錢債無項歸償。情願將鋪產作抵。立有契據。雖係改名寶泉湧。尚未開市。該敖罕扎薩克王達木林達爾達克並無私入成本。密詢附近居民衆論如一。隨取其喇嘛官寶扎布台吉格什喜莫並該鄉牌鋪商人等甘結復查。敖罕旗蘭薩處地方有該王旗常平倉一處。當即往查。並無敖罕王盜賣倉穀情事。隨取其該協理那遜托克圖切結。又如原奏內稱該敖罕王恃勢強購民間糧米小民受累。有赴都統衙門暨府縣控告者。皆畏其勢大莫敢伸質等語。當即會查塔子溝稅司建昌縣兩處。該敖罕王並無被人控告案據。密詢該處鄉民人等。亦稱該稅司知縣並無控不受理情事。並據稅司發祿建昌縣知縣章奏凱出具印結等情。稟覆前來。查該敖罕王旗蒙古游牧地方遼闊。且距郡遠在百里耳。目難周恐有不實之處。復札飭該管盟長達克沁等認真查明。呈覆以憑核辦。並札取兩處燒鍋原主字據。查驗去後。茲於八月十七日據敖罕扎薩克王達木林達爾達克備文呈送兩處燒鍋原主字據前來。當經查驗屬實。並據該盟長等查明呈覆均核與該協領等所查無異。即飭查承德府衙門亦無控告敖罕王強購民穀案據。奴才當經率同熱河道廷雍承德府知府啟紹理刑司司員格圖經額等按照所稟

各節逐一詳查此案既據該協領等密爲訪查小哈拉道口有寶和永燒鍋一處係敖罕王達木林達爾達克之弟喇嘛官寶扎布台吉格什喜吉莫開設已於光緒十四年報明稅司升課玉田泉有寶泉酒燒鍋一處係台吉格什喜吉莫之母玉蘭氏折抵賬目並未燒酒售賣此兩處該敖罕王均無私入成本亦無強購民穀及在建昌縣並稅司呈告實據明查時訪衆論愈同並據稅司知縣該旗協理鄉牌人等出有印甘各結尙屬可信伏思該敖罕王雖經查明既並無私立燒鍋強購民糧盜買倉穀情事惟喇嘛官寶扎布台吉克什喜吉莫既係該王之弟開設寶和永燒鍋業經於數年前報明升課究屬不能查明攔阻雖與哈拉都哈地方不符該御史所奏不爲無因該敖罕王達木林達爾達克並該台吉喇嘛均係蒙古久居塞外例案未明一聞查禁深知悚惕其外均查無實據自應遵照理藩院奏請將該燒鍋飭令即時關閉以重民食而符體制並嚴飭塔子溝稅司建昌縣知縣不時認真稽察按季呈報以憑存案嗣後倘查有私行開設燒鍋情事定行據情嚴參以申例禁惟該游牧地方周歷千數百里其屬遼闊並因伏夏大雨山林阻滯往復詳查均須多延時日是以具奏稍遲合併聲明下所司知之○乙丑以姚文廣爲陝西西安鎮總兵○諭裕祿阿克丹奏請選擇合龍吉期一摺盛京 福陵隆恩樓工程將次完竣著欽天監於九月內選擇合龍吉期先行知照即著盛京將軍等敬謹遵照辦理該衙門知道○丙寅子故庫

倫辦事大臣喜昌於易州建祠○李鴻章奏添撥東明黃河經費下部知之○丁卯子年屆百齡五世同堂之廣東順德縣梅婦岑氏旌表並賞銀段○戊辰諭著派崑岡錢應溥馳驛前往河南查辦事件隨帶司員著一併馳驛○楊昌濬魏光燾奏塔爾巴哈臺分隸協標漢隊一千五百名前由臣光燾飭准補塔爾巴哈臺屯防副將張懷玉赴任接管查照撫提飭各標營制餉章體察情形分設馬步各旗並將駐紮處所妥籌辦理業經奏明在案茲據張懷玉會同塔爾巴哈臺副同知石本清擬議詳請核辦等情臣等查該處地居極邊幅輻遼闊東北與科布多蒙古烏梁海各部落犬牙相錯南連庫爾喀喇烏蘇西界伊犁精河其中或地勢扼要或路徑紛歧彈壓巡防均關緊要擬設協標中左右步隊三旗前左右後馬隊四旗中營副將一員管帶步隊一旗左營中軍都司一員帶步隊一旗均駐紮靖漠城右營都司一員帶步隊一旗分防西路牛圈子前旗守備一員帶馬隊一旗駐漢城南門外左旗守備一員帶馬隊一旗分防沙爾霍羅斯及石納扎臺右旗守備一員帶馬隊一旗分防南湖並新地共設副將一員都司兩員守備四員並各旗哨應設千總三員把總十四員巡查經制外委七員總共設官三十一員步隊三旗馬隊四旗除火勇外共設正勇一千四百七十八名歲需餉銀一十萬二千二百一十兩四錢二分該處漢回蒙哈錯雜而居應添設蒙文書辦一名蒙古纏回哈

薩克通事各一名塔爾巴哈臺市議招墾尚未啟徵各官例馬所需料草擬暫支折色總共各旗官弁歲需十成俸薪蔬紅廉費馬乾料草折價及書辦通事口食等項銀一萬一千七百五十三兩七錢二分六釐共合歲需兵餉官俸雜支等項銀一十一萬三千九百六十四兩一錢四分六釐據署布政使饒應祺議擬請奏前來謹繕具清單恭呈 御覽仰懇 飭部核議施行下部議奏○魏光燾奏光緒十五年十一月二十五日准會典館咨稱現辦會典與圖式附圖說式刊刻頒發遵照奏定期限於一年內測繪各府直隸州廳州縣圖各一分附以圖說解送到館等因當經行司轉飭各屬遵辦並派員開局總纂在案查新疆幅輿遼闊郡縣初開畫界分疆周勘測繪均屬創辦備極繁難且沿途數千里與各外部毗連舊界新界卡倫鄂博等類尤關緊要悉應載入圖中詳著為說參稽考訂動需歲時開辦以來竭力督催一年之限早經屆滿現雖大致脫稿尚須逐細詳核屈指數月以內仍難一律辦齊合無仰懇 天恩俯准自本年十一月起再行展限半年解送以期詳晰核校俾臻妥善得 旨如所請行○己巳諭前據張之洞奏參湖北鄖陽鎮總兵蔡高會空缺兵馬侵蝕餉項當諭令撤任查辦茲據查明覆奏該鎮總兵挪用空額截贖馬乾價等項銀兩並信用帶來江南弁勇新立銀房名目紊亂舊章以致物議沸騰軍情不服據實奏參請旨懲處等語蔡高會以專閫大員營私妄為實屬有負委任著即行革職以示懲儆餘

著照所議辦理該部知道○以何長清爲湖北鄖陽鎮總兵○諭祥麟許應駟奏江蘇河運漕糧完竣請將承辦各員獎勵等語本年江蘇漕糧提撥十萬石辦理河運妥速批解所有督運及襄辦各員均屬著有微勞江蘇糧道景星通判李連炬均著交部從優議敘以示鼓勵餘依議該部知道○庚午貴西悅生堂每年粟米三百石○劉坤一松椿剛毅奏江蘇徐州地方界連三省幅輿遼闊向爲盜匪出沒之區邳州宿遷一帶民情慄悍伏莽尤多迭經臣等嚴飭該管地方文武會同防營實力緝捕本年五月間風聞有匪首周汶和屠小二賀明魁蔡自友等勾結外來匪類在邳州宿遷及山東郯城交界地方肆行劫掠並置有號衣旗幟及洋鎗火礮等件往來靡定黨類極多該處南自駱馬河北至蘭山郯城一帶居民咸有戒心該管地方州縣稟請檄調防營前往協力兜拿臣等以各該匪結黨橫行多或百餘人少或數十人狡獪思遷聚散無常若調營剿捕勢必潛行分竄轉難得力且時值夏令高粱茂密匪徒暗伏其中亦難搜緝非購覓眼線設法掩捕辦理未易得手當經臣坤一咨會臣松椿飭令清淮各防營嚴紮要隘以防潛逸一面分飭徐州鎮總兵陳鳳樓著徐州道桂嵩慶飛札該地方文武懸賞購線迅速兜拿茲據署徐州道桂嵩慶轉據署邳州知州楊激雪稟稱訪聞周汶和糾黨肆擾匪膽愈熾由西北鄉竄至南鄉分派夥黨硬向各主索取錢文並有架人勒贖等項情事經該州偵知該匪在贛上社崔家莊一帶於六月

十七日督率練丁連夜馳抵崔家莊又探知該匪潛匿在黃家淵莊復又不動聲色馳往圍拿該匪周汶和率眾持械開鎗員峒抗拒經練丁放鎗擊斃餘匪四散奔逃該州楊激雲督飭練丁奮勇緊追周汶和手持洋鎗反身拒捕力闕移時始將周汶和格傷身死經楊激雲飭令眼縫指認確實業由臣等批飭將該匪斃取首級示眾以快人心又據徐州鎮總兵陳鳳樓署徐州道桂嵩慶會稟屠小二黨類極眾同謀亦多與蔡自友等各據地段四出滋擾招集流亡謀為不軌署宿遷縣知縣蕭仁暉輕騎掩捕該匪徒竟公然與官兵對敵蕭仁暉被其鎗子擊穿袍襟幾受重傷旋經清淮右營步隊營官唐榮升馬隊營官尹興茂會同蕭仁暉設法拿獲裔王洞紳號裔四大王史鳳先姚永祥等三名供認聽從屠小二等糾夥行劫不諱該匪屠小二行蹤飄忽詭秘異常大月間哨官李輔勳萬士義等探知該匪遁匿鉅山附近地方帶勇冒雨潛進薛宿林中三晝夜七月初三日復改裝易服至八岔路王家莊乘其不備四面兜拿遂將屠小二擒獲該總兵陳鳳樓等以蔡自友賀明魁兩匪在逃未獲屠小二等餘黨雖經解散誠恐復聚歸附賀明魁等蔓延為害復經親督弁勇周歷蕭縣碭山等處交界邊境嚴密巡緝示以盛威七月初七日經宿遷縣知縣蕭仁暉會同哨官萬士義等續將賀明魁拿獲訊據該匪供稱伊與屠小二向以運河南北為界各霸為首帶領夥匪劫掠等語似此同惡相濟若不立予嚴辦何以懾匪膽而靖地方當經臣等

批飭徐州道立提塔小二賀明魁及喬玉洞等到案親加研訊即行稟請就地正法以昭炯戒等查周汝和屠小二賀明魁等肆行無忌邳州宿遷一帶搶劫巨案大半該匪等爲首拒捕逞兇愆不畏法此等積年匪魁如不早予殲除勢必養癰爲患現經該鎮道督飭該州縣會同營哨等官將該匪等拿獲爲地方去一巨害竊爲時局弭一隱憂伏查光緒十七年六月初六日欽奉 諭旨如訪獲會匪首犯准照異常勞績奏請優獎等宣布 恩綸各該地方文武莫不激發天良益加奮勉今該鎮道督飭該州縣哨官實力緝捕迅赴事機冒暑奔馳不辭勞苦拿獲著名巨匪力遏亂萌實非尋常勞績可比合無仰懇

天恩俯准將徐州鎮總兵陳鳳樓署徐州道桂嵩慶交部從優議敘署邳州知州五品銜直隸州用江蘇候補知縣楊激雲 賞加四品銜並俟補直隸州後以知府補用署宿遷縣知縣兼襲雲騎尉世職江蘇試用知縣蕭仁暉俟補缺後以直隸州知州補用花翎都司銜李輔勳以守備留於江南儘先補用補用把總儘先外委萬士發免補把總以千總仍留兩江儘先拔補出自 逾格鴻慈其餘出力稍次員弁容臣等查明酌給外獎以昭激勸得 旨陳鳳樓等均著照所請獎勵仍著嚴拿逸匪蔡自友等務獲懲辦餘依議該部知道○壬申 上幸頤和園詣 慈禧端佑康頤昭豫莊誠壽恭欽獻皇太后前請安○還海○寶善濟堂功德林廣仁堂及蘆溝橋粥廠資善堂煖廠米石○張之洞奏查本年四月間蕪湖等處

滋聞教堂之後沿江一帶謠言四起人心惶擾處處堪虞經臣嚴飭地方文武密切防範凡有育嬰教堂之處尤爲加意保護武穴地方距廣濟縣城七十餘里僅有武黃同知及龍坪馬口二巡檢駐紮向有英國福音堂而無育嬰教堂民教相安已久詎意四月二十九日傍晚有廣濟縣人天主教民歐陽理然肩挑幼孩四人行至武穴街外據云將送往九江教堂適爲痞匪郭六壽等所見誤信訛傳頃刻之間人衆麤集喧嚷肆鬧竟誤以武穴教堂爲卽收養幼孩之處擲石奮擊入窗以致屋內洋油燈擊破失火燒洋樓一層餘亦多有殘毀匪徒乘機攫取零星物件該處洋關分卡委員候補通判華聘三龍坪司巡檢鄒振清急往彈壓均被匪衆擲石毆傷其福音堂內教士包姓白姓二洋人已先期一赴興國一往漢口俾留眷屬婦孺在堂適有武穴洋關分卡之扞手英國人柯姓外來散書之英國教士金姓當人衆喧嚷之際馳往救火登時被匪毆斃教士婦女三人洋孩四人由後門逃出先投馬口司巡檢陳培周因衆勢洶洶未敢收留婦孺卽經同知衙門及龍坪巡檢差役弓兵陸續護送至武黃同知署該同知顧允昌留住署內查知該洋婦三人在途次亦被匪徒毆傷次日各回漢口臣聞報之後立飭地方官嚴拿首要各犯一面抽調省外水陸各勇營分投彈壓保護並飭江漢關道派員乘輪船至武穴將斃命之英人二名照料護送回漢口另派文武大員前往彈壓撫慰其時廣濟縣知縣彭廣心已經飭至武穴緝獲多人除

無辜訊明省釋外實獲匪犯十名復經臣特委候補知府裕庚馳往廣濟會同黃州府知府李方豫督同該縣切實審辦並飭關道照會英領事飭取武穴教堂男婦各供並驗明洋婦各傷以資參證研訊旋據該領事錄供照覆並聲稱洋婦受傷甚重其洋婦包氏一名經洋醫驗明恐致不能生育等情前來旋經訊明此案實因挑孩懷疑痞匪鼓煽滋鬧事起倉猝並無放火圖劫情事滋鬧之時適值該堂兩教士前數日早經他往自非有意蓄謀與該堂尊嚴且該教堂內存有鐵櫃同係存儲貴重物件並未搶去其非意在劫財無疑據郭大壽供認因見教民挑有小孩聽信訛言起意生事以致戴厥魚與各匪附和滋鬧打毀教堂住屋器物並有毆傷委員巡檢之事實係該犯起意煽眾並下手用刀連砍致斃救火之洋關并手柯姓戴厥魚供認下手用刀連砍致斃救火之洋教士金姓等情不諱查律載共毆人至死下手致命傷重者絞等語該兩犯事不干已鼓眾滋鬧殃及無辜均屬任意逞兇形同土匪比之尋常共毆情節較重本年五月初七日 上諭著各督撫迅飭該管文武查拿首要各犯訊明正法以儆將來等因欽此自應欽遵辦理郭大壽戴厥魚二名既據該委員府縣覆訊明確實係此案首要正犯未便稍稽顯戮當卽批飭將該兩犯就地正法傳首犯事地方示眾以昭炯戒其幫毆及毆傷洋婦攫取零物之從犯八名當飭委員知府裕庚會督該府縣覆訊確供將英領事先後所指要證民人陶春燦及弓兵田德等三名

范修興等四名柯杆手廚役王七賢一名一共九名一律傳到質訊明確按照律例擬議罪名核辦去後旋據稟稱據胡東兒供認執有小鐵尺毆傷柯杆手頭上據胡視生供認拾起石塊打傷柯杆手頭上呂二弟供摸著石塊擲傷金教士許逢春田福兒二犯各供認於人眾中碰撞洋婦不知是否受傷許逢春並檢拾各物旋即拋棄陳連升供認檢拾零物亦即拋棄于老五范四妹供認聞亂想欲檢取物件人多未能擁上各供不諱反覆研鞫堅執不移質之各要證亦無異詞供情毫無迴飾應即擬結查例載凡同謀共毆人除下手致命傷重者依律處絞外其共毆之人審係執持鎗刀等項凶器傷人者發近邊充軍又律載搶奪傷人爲首斬監候爲從減爲首一等並刺字若因失火而乘時搶奪人財物者罪亦如之又律載鬪毆令至篤疾以致不能生育者杖一百流三千里又例因失火而乘機搶奪除有殺傷又計贓重者仍照定例問擬外其但經得財罪應擬以杖徒者俱照本例加一等治罪將爲首之犯杖一百流三千里爲從者杖一百徒三年刺字又例載搶奪不得財問不應重又律載不應爲而爲事理重者杖八十等語此案胡東兒因聞洋人住房火起攜帶鐵尺往看見衆人圍打洋人該犯亦用鐵尺打傷洋人頭上查鐵尺係例載兇器應照共毆之人審係執持兇器傷人者發近邊充軍胡視生呂二弟各因洋房失火往看見衆人趕打洋人該犯等各拾摸石塊打傷洋人均應照搶奪傷人爲從減爲首罪一等律各擬杖一

白流三千里並於右小臂膊刺搶奪二字許逢春因洋房失火往看見人擁擠適遇洋婦該犯亦跟隨碰撞雖據供稱不知是否受傷惟洋婦受傷已據該印委等查明屬實卽就傷至篤疾不能生育而論按律罪應杖一百流三千里該犯檢拾物件按照因失火而搶奪財物亦應杖一百流三千里二罪相等從一科斷該犯許逢春應擬杖一百流三千里並於右小臂膊上刺搶奪二字田福兒在人羣中碰撞洋婦雖據不知是否受傷並未檢取物件但碰撞洋婦與許逢春相同亦應按照毆人至篤疾不能生育杖一百流三千里律擬杖一百流三千里陳連升因開洋房失火往看見眾人圍打洋人據供並未幫毆惟檢取零星物件該犯陳連升應照失火乘機搶奪人財物但經得財罪擬杖徒者俱照本例加一等治罪將爲從者杖一百徒三年例擬杖一百徒三年於面上刺搶奪字樣于老五范四妹各因洋房失火眾人與洋人鬧事想往檢取財物未經得財自應照搶奪不得財問不應重杖八十例各擬杖八十未獲之犯已懸賞緝拿俟拿獲有人隨時審實照例懲辦等情稟由湖北按察使惲祖翼覆核具詳前來當經札飭照詳分別辦理署馬口司巡檢陳培周因眾勢洶洶未敢收留婦孺以致被毆受傷殊屬不合前已行司撤任並摘去頂戴以示懲儆武黃同知顧允昌本係管理防護江堤向無緝捕之責惟捕務非其所長現須會縣嚴緝餘犯已將顧允昌調省飭司另委委員署理武黃同知飭令訪緝餘犯已將審辦各犯照例從嚴

科斷各節由江漢關道照會英領事旋據復稱均屬情罪允當無所異議此種犯懲辦之大概情形也至
柯扞手金教士兩洋人無辜殞命情殊可憫自應撫卹以昭 朝廷矜恤無辜之至意擬給予該兩洋人
家屬各二萬元武穴教堂素與該鎮民間無隙此次因無干訛言懷疑開鬧致被焚燬並非該堂起釁自
應由官給款代爲修復並補給堂中失物以示體恤應從優酌給洋銀二萬五千元所有此案各款全數
共洋銀六萬五千元合銀四萬五千餘兩經江漢關稅務司與漢口英領事商明應允亦無異言該領事
現已稟其公使專候撥文到日即可收款完案此撫卹修復等款之大概情形也查沿江各省數月來疊
次滋鬧教堂大都因收養幼孩而起故匪徒得以信口造謠愚民無知易爲所惑一旦事起倉猝彈壓不
及遂釀鉅案臣於武穴滋事之後卽飭江漢關道照會各國領事轉飭各教士暫勿收養幼孩以免疑感
俟各案辦結人心稍靜再行收養各領事均以爲然並飭關道會商領事妥議稽查章程每月定期常有
員紳前往查看以釋羣疑各處教堂皆能遵行使人無可疑之端庶不致再有滋鬧之事臣已嚴飭地方
文武隨時訪查如再匿名揭帖捏造無根之言希圖煽亂務懲儆嚴拿欽遵五月初七日 諭旨從重治
罪以杜亂萌其未結之案英國僅有德安府徐輝興教堂滋鬧廣濟縣教民藍姓與族人爭論入諸兩起
現均已辦理完結飭關道照會領事在案理合恭摺具奏得 旨該衙門知道○癸酉 上閱宗室恩簡

步射越六日乃畢○予管解京餉河南候補道薛福年交部議敘○甲戌子年屆白齡五世同堂之廣東從化縣壽民李彩高旌表並賞銀段○福潤奏運河道耆安前在滕縣西灣督挑運河坐船被劫一案經前撫臣張曜會同河東河道總督臣許振祿先將滕縣知縣秦應逵等恭摺奏參於光緒十七年五月十五日奉 上諭張曜奏運河道耆安工次被劫獲犯訊辦請將疏防員弁摘去頂戴一摺等因欽此欽遵轉行遵照先據秦應逵袁其智選撥兵役隨同營帶濟字後營副將陳大勝於五月十六二十一等日先後拿獲盜犯公安張其玉姜三三名起獲銀兩衣物多件送經運河道耆安認明確係被劫原贓由秦應逵提訊公安等供認聽從袁開誠行劫運河道坐船不諱並據江南徐州鎮道督飭所部先後拿獲張清雪殷茂榮魏邦巨三名亦訊係行劫運河道坐船夥犯經漕運總督臣松椿奏明解交滕縣歸案審辦旋據秦應逵向姜三究出首犯袁開誠逃至湖團潛匿處所復與袁其智密飭兵役隨同兗州鎮臣田恩來覓沂曹濟道中衛派出弁勇於二十四二十七等日緝獲袁開誠袁破鞋二名由秦應逵訊供稟經前撫臣批飭前署兗州府知府王恩湛行提犯卷至郡訊明袁開誠等五犯確係案內正盜惟張清雪魏邦巨僅認行劫魚台沛縣等縣不識姓名事主各案殷茂榮堅供在徐州充當鹽巡並無爲匪不法均委無夥劫運河道坐船情事前在江南被獲時實係畏刑妄供質之袁開誠等亦供與張清雪等素不認識其行

劫運河道坐船實無張清雲等在內各等語王恩湛錄供通稟後經前撫臣札飭查沂曹濟道中衡會同
運河道耆安督同兗州府知府穆特亨額提集各犯攷加研鞫緣袁開誠卽袁開存張其玉公安姜三袁
破鞋卽袁敘倫又名袁春均籍隸鉅野縣先未爲匪犯案光緒十七年三月二十七日袁開誠張其玉公
安袁破鞋姜三與素誠在逃之袁稱卽袁守先杜金起黃青春馮來田黃老四劉全偏馬金道劉佃元傅
重舉趙方田曹慌慌卽曹孫真並不識姓名二人遇道資離袁開誠起意行劫張其玉等與袁稱等允從
卽於是夜初更時分同夥十八人分攜洋鎗油捻刀械偕抵滕縣西灣瞥見運河道坐船在河邊停泊搭
有挑板艙門未關當留袁破鞋劉佃元傅重舉曹慌慌在岸把風接喊袁開誠等一齊上船進艙行劫著
安喝令水手人等攔捕並親自搶護關防袁稱開放洋鎗續傷水手孟石頭右胎膊右脇並用鎗筒擊落
耆安上門牙一箇杜金起等分用棍械拒傷水手劉廣月左頭角承差馬月讓右手腕茶夫胡協文頂心
當時人多手雜何人拒傷何處各犯並未看清刻得銀物下船遞交袁破鞋等分攜逃遁將贓分別存留
變賣與不識姓名人得錢分用各散諸無巨匪濶跡亦無窩夥拾劫別案及另有知情同夥並逃後容留
分贓之人再三隔別研訊各供矢口不移分別擬議稟請核辦等情奴才伏查該犯袁開誠膽敢糾夥執
持洋鎗行劫官船銀物逸犯袁稱等拒傷該道及水手人等實屬惡不畏法張其玉公安袁破鞋姜三聽

從行劫得贓亦屬同惡相濟賊有起獲正盜無疑未便稍稽顯戮核明當批飭將袁開誠卽袁開存張其王公安袁破鞋卽袁敘倫又名袁春四犯均照章就地正法首級解回犯事地方爲示以昭炯戒其妻三犯供獲首盜袁開誠並供出逸犯馮來田等逃所現已山該道等密飭該縣帶同該犯供指眼蹤馳往查拿應將該犯妻三平固監禁俟緝獲逸犯偵明辦理張清雲魏邦巨訊非此案止盜惟供有行劫別案應飭關查報案訊明另行擬辦股茂榮訊係誤拿並無爲匪不法應卽遞籍保釋一面仍飭已革滕縣知縣蔡應達等協同接任之員上緊嚴拿逸犯袁稱等務獲究報毋任漏網茲據署臬司趙國華詳請具奏前來理合恭摺具陳再前撫臣原奏聲明先由營縣獲犯八名現經訊明均非此案止盜業已分別另辦合併陳明下刑部議奏○乙亥以胡德興爲福建建寧鎮總兵○丙子黃槐森奏紮平府屬下江廬地方多係生苗性愚而悍早年聚眾滋事曾經剿辦各督就撫無異本年六月間准古州鎮總兵丁槐谷據署貴東道袁開第稟轉據下江營遊擊楊國順下江通判汪承恩稟報屬加車寨苗人動用社倉積穀分食罄盡該屬飭役往查後復有假差從中煽惑苗人疑慮適有匪人入寨以西洋鏡煽惑令苗眾夜觀燈影迷離見有執刀鎗者無數遂信爲神兵助佑竟聚眾以木牌傳遞各苗寨約同起事當飭熟悉苗情之團首余光明把總封玉興攜帶告示前往開導乃寨苗聚眾守卡不准前進並有居心要反之語隨經該

鎮道商委中營管帶杜祖銘右營都司楊道成率領兵練馳赴下江會同文武防範要隘以衛良民一面派令紳團明白曉諭迅速解散等情到臣並據黎平府俞渭渠同前由當卽商令藩司王德榜著臬司黃元晉將該屬汪承恩撤任另委候補知縣白建逵前往接署妥爲安撫解散脅從速爲了結以免興師動衆擾害蒼黎今據該文武稟報該苗酋固不服並揚言要攻縣城已有出寨搶擄情事業經飛咨古州鎮丁槐就近酌調上江都勻荔波三營練軍前赴下江駐紮會合各營相機懲辦總期及早平定仰慰我聖主綏靖邊隅至意得 旨覽奏已悉卽著妥籌剿撫速爲辦結並查明汪承恩如有激變情事卽行從嚴參辦○丁丑依克唐阿奏奴才自到任搜剿馬賊之後地方漸形安謐不謂於今年八月間旋據署屯官恩隆署站官德祥等先後呈報突有馬賊均各二十餘名竄入塔爾墩屯博爾多站搶得當舖寶銀首飾衣服馬匹等項攜賊逃走請兵追剿前來奴才均卽據派親軍馬隊哨官雙壽德恆屯官恩隆站官德祥帶領丁壯購覓眼縫隨同馬隊分路星夜追趕並飛飭署翼長依崇阿帶隊迎剿以期務獲嗣據德恆姜習武等稟覆將強搶塔爾屯當舖之賊追至小榆樹柞樹岡等處打獲賊首孫玉奎綽號奎字馮才綽號品字等八名又據雙壽雙安等稟覆將強搶博爾多站當舖之賊追至馬家店打傷數名生擒賊首張鴻順綽號戰一王賁高經海等三名並打落所搶之寶銀七錠小元寶十七錠銀首飾三十餘斤贓馬七

匹等項該匪卽向東南逃竄遂卽跟蹤追剿去訖當將打落贓物派兵送省點清傳集失主認領以示體恤又據署翼長依崇阿報稱突有馬賊五十餘名張旗持械在馬剛燒鍋深河沿屯等處肆行強搶綁人勒贖勢甚猖狂當卽帶領營官根喜哨官德忠阿扎克丹布等率同官兵分路追至天成窩地方該匪等輒敢列隊迎敵當經官兵鎗砲齊施打斃十餘名沿途追殺二十八名均已割耳級生擒賊范廣生綽號牛種王得生張逢海范增祥趙尙發綽號大烏子等五名所剩五六名拚命分竄林內當卽查明打落被綁之商民四名各飭歸業奪獲賊馬二十九匹洋鎗十八桿擡鎗二桿扎鎗十五桿大旗二桿續查官兵吉爾嘎布格能額等受傷七名打死騎馬二匹點畢仍由山邊撤回次日到防當將賊首范廣生等五名正法梟首示衆以昭炯戒並開具出力官兵銜名稟請獎勵前來奴才查此股馬賊輒敢勾結至五十餘名之多肆行強搶兇悍已極幸未得大肆騷擾已被官兵剿殺殆盡辦理尙爲迅速不至燎原實屬異常出力合無仰懇 天恩可否准將出力之員弁受傷之兵丁由奴才查明飭司存記統俟年底彙獎以昭激勵之處出自 鴻慈允之○諭邵友濂奏請調員差委一摺前陝西鳳翔鹽法道顧肇熙候選知府蔣斯彤江蘇候補直隸州知州胡傳候補知縣汪瑞曾葉意深貴州候補知縣鄧嘉猷均著發往臺灣交邵友濂差遣委用該部知道○諭軍機大臣等國俊奏兵丁索米致傷知縣蔡禮送部請飭遵放米石一

摺據稱該處兵丁應支米石自五月至今該縣僅將春季兵米開放夏秋兩季尙無放期經國俊將密雲縣知縣王夢齡調營面詢該兵丁等輒因索米拋石致傷該縣額骨現將馬甲松玉等三名拏送刑部審辦兵米關繫緊要何以該縣日久未放致滋事端著李鴻章確切查明迅飭開放並據實覆奏○戊寅上幸頤和園詣 慈禧端佑康頤昭豫莊誠壽恭欽獻崇熙皇太后前請安○還海○諭軍機大臣等有人奏匪棍糾眾屢次搶劫銀庫兵丁其中有無別項情節一摺著戶部暨管庫大臣查明覆奏○譚繼洵奏滇省委員領運十起頭批京銅到鄂發給水脚銀兩換附輪船開行日期下部知之○己卯 上因宗室恩箭騎射越二日乃畢○諭管廷鵬奏考察儒學懇恩獎勵一摺據稱教授賈執鈞等持躬謹飭課士精勤自應量予獎敘以示鼓勵山西朔平府教授調署太原府教授賈執鈞加國子監博士銜忻州學正張文蔚孝義縣教諭王華虞忻州訓導達高年太原府訓導宋淑濂均著賞加國子監學正銜知縣用古州學正郭世選著俟過班知縣後賞加五品銜蒲州府增生朱汧鎬著以訓導選用該部知道○庚辰予捐設義塾濱州監生薛繼尙建坊○壬午予管解京餉江蘇候補知縣董寶善獎敘○諭王文韶奏開缺提督傷發身故懇恩賜卹一摺前湖南提督馬如龍世篤忠貞深知大義咸豐同治年間雲南漢回亂起該提督創和漢安回之議開道回民其時回氛馬榮回曾杜文秀兩次據援省城馬如龍帶兵援剿殲滅悍賊

擒斬叛魚先後殺賊萬餘城圍遂解身繫滇省安危厥功甚偉嗣經擢升雲南提督調任湖南因病開缺
茲以傷發身故殊堪憫惻馬如龍著照提督軍營立功後病故例議卹於雲南省城建立專祀生前戰蹟
宣付國史館立傳以彰忠肅另片奏該提督之子已革四川道員馬廣惠前因改道省親致繳照遲延懇
恩開復等語馬廣惠著加恩開復革職處分仍歸原省補用並免繳捐復銀兩該衙門知道○諭潘衍桐
奏教官學行卓著請旨獎敘一摺浙江五品銜長興縣教諭孫德祖以知縣升用署海鹽縣訓導並以周
富陽縣教諭施啟瑞平湖縣教諭許仁杰均著在任以教授選用壽昌縣訓導朱鳳毛烏程縣訓導張岱
年副貢就職教諭高保康均著賞加國子監學正銜五品銜試用訓導楊振鐸著交部議敘另片奏慈谿
縣廩貢生林頤山究心經術懷清履潔著以教職選用該部知道○癸未 上幸頤和園詣 慈福端佑
康頤昭豫莊誠壽恭欽獻皇太后前請安○還海○賞朝陽閣臥佛寺育嬰堂及崇善堂等處米石○予
故河南河陝汝道鐵珊政績交國史館立傳○諭柯逢時奏職舉經明行修之士蘇繼恩施一摺陝西山
原縣貢生國子監學正銜賀瑞麟著賞加五品銜同知銜分省試用知縣柏景倬著交部議敘咸陽縣舉
人劉學寶著賞加國子監學正銜另片奏保舉教官等語鹽亭縣訓導彭齡渭南縣訓導劉定榮候選教
諭周斯億均著賞加國子監學正銜該部知道○柯逢時奏陝西藏書既少板本無多自南中販運來者

多由陸路其價甚昂寒士每苦難得往往購買俗惡坊本經文則刪節不全字句則訛謬不堪積久相沿遂成風氣南北路距省更遠並坊本亦復難尋上年咨商撫臣籌捐銀兩於書院刊刻書籍捐廉俸千兩以爲之倡各屬官紳多有深明大義者共捐湊銀一萬餘兩皆出於至誠毫無抑勒已全數發商處取其恩陸續刊書其捐至千兩以上者咨明撫臣循例奏請建坊復經撫臣設法每歲籌銀一欸專撥刊書之用已於本年在味經書院開辦先刊正經正史卽以院長劉光贊總理其事委監院周斯億兼管雜務調肄業諸生通曉六書留心古籍者加給膏火分司校勘不更另籌薪水以期費不虛糜可成善本俟書本刻成聽各屬書院儘數刷印藉資流布惟事屬創始一切章程雖經妥議而持久爲難仰懇 飭下陝西巡撫學政隨時督察極力維持庶日久不致弊生於學校實有裨益得 旨如所請行○甲申賞宗室恩衍中枝海志等十一人三四等待衛○崧駿奏朝鮮國難民逃救到境循例撫卹下部知之○乙酉子故鳳臺縣關曠集義民宋朝望兄弟母妻等旌表並入祀忠義節烈祠○王文韶譚鈞培奏查滇省廣南廣西兩府州屬幅員遼闊沙夷雜處種類繁多其間安分者固不乏人而夷性椎魯繼於生計習俗相沿專以搶劫爲業此亦風氣使然也邱北縣屬之宜長蠻夷匪盧以松連年率黨搶擄附近各書寨迭據受害之家控經地方官詳報差緝因該處匪連廣西此拿彼竄迄未獲案本年二月間據署師宗縣知縣劉

宗裕稟稱該匪盧以松於初九日率領沙夷土匪約三百餘人來該縣屬之蚌別壩地方搶劫村寨戕殺
民人十七日又復糾約匪黨五六百人圍攻平寨勢甚猖獗二十日復有積匪馬七等帶領多人潛來城
東二十里之馬路橋遊弋卽經會同汛弁千總李有能督率團丁馳往圍捕該匪盤踞空閒大宅持械拒
敵鄧宗裕督飭兵團四面圍攻相持兩時之久千總李有能於牆隙中用洋鎗將馬七擊斃兵團奮勇上
前並斃夥匪四名生擒二名訊據供稱歷年隨從盧以松搶劫各處此次係因縣官新換盧匪令其先來
探試新官手段該匪等於取供後均各因傷斃命先後陣亡兵丁一名帶傷團丁十六名割取各匪首級
解省呈報並據廣西州劉于國署廣西營遊擊彭惠俊會稟前來等當卽札委記名總兵趙發招
募舊部勇丁三百名由路南向師宗邱北一路相機迎剿並飭署廣西營遊擊彭惠俊挑選營兵加調鄉
團馳赴師宗會商剿辦去後該遊擊於二十四日率隊馳至五路地方難民紛紛遷徙就詢匪狀歟稱夷
匪千餘人於師宗邱北交界之石巖脚紮營豎旗燒殺搶擄勢更披猖該遊擊立率兵團渡江迎擊獲勝
匪眾敗走二十九三十等日乘勝追至邱北縣屬之納寨地方將盧匪窩巢焚燬探和大股賊蹤聚鍋
底暫達連夜拔營前進詎鍋底嶺下四寨沙匪業已被誘入夥上四寨亦被煽動突起相應遊擊孤軍深
入四面受敵等聞報當卽飛飭廣西州劉于國就地派弁招募勇丁四百二十名編爲一營馳往援應

卽歸彭惠俊管帶並飭總兵趙發添募鄉勇五百四十名併同原帶之三百名共成八百四十名編爲兩營約期會合進剿時白馬營外委張鳴高等聞警亦調集團丁馳往救援三面夾攻斃賊甚夥匪力不支被殺夷民漸次潰散卽將被陷之鍋堂桂花等寨收復計陣亡兵團四名受傷二十餘名盧匪仍率悍黨退踞石潰寨堅守不出該處素爲夷匪窟穴懸崖峭壁道路崎嶇兼之東連粵西南接交趾深慮恃險負固久爲邊患彭惠俊激勵兵團星馳進剿盧以松探知官軍雲集先於三月初八日乘夜聚寨潛逃彭惠俊督率哨弁團紳帶領兵練跟蹤追緝偵悉盧匪竄往廣西西林縣屬之那勞地方未便越境搜捕遂懸立重賞飭令那勞土人將該匪盧以松緝獻到營派員押解來省當經發交雲南府訊據盧以松供認積年在雲南廣西交界糾黨燒殺搶劫各寨拒敵官軍不諱等情核供詞法無可貸卽經批飭就地正法賜首犯事地方懸竿示衆其被擒各寨由省籌款委員會同地方官妥爲撫恤並將逃散居民不分夷漢一律招撫歸業彭惠俊道經新募三營當於事定後卽行遣散以節經費陣亡兵團俟查明案請卹其

在事出力兵紳不無微勞可否容臣等擬入富民祿勸案內附保數人用示鼓勵出自 天恩得 旨如所請行○丙戌以浙江候補知府翁曾純承故父翁同爵遺志捐出贍族費給御書匾額○王文韶譚鈞培奏臣等前據武定州營並雲南府知府陳燦等各會稟風聞祿勸縣武紳在籍遊擊王釗爲賊內應有

擒賊軍火開門納賊情事現復進省報信請託希圖邀功掩罪請就近查拿嚴究各等情當將王鈞扣獲
發司嚴審一面附片奏參並聲明如果訊有確供當卽恭請 王命立正典刑以爲通同謀叛者戒欽奉
硃批王鈞著先行革職歸案嚴行審辦欽此欽遵轉行在案旋據雲南府提同各犯隔別嚴審當經臣
等督同藩臬兩司鹽糧二道營務處親提擬審王鈞僅認奉縣札募勇守城在教場鳴鑼放鎗齊圍無人
齊集賊至潛逃屬實其於擒賊軍火內應開門各重情始終不認雖據續獲賊首黃子榮黃子富李憎各
供祿勸內應係江湖弟兄王鈞及已正法之楊海清二人然皆聽自逆酋李輔臣而其與李輔臣如何同
謀內應如何開城納賊黃子榮等亦不能一一指供惟據夥賊曾占鵬王正榜各供該賊等五六十人係
進東門城係王鈞幫工施小老張所開又據曾占鵬供輔臣向說祿勸縣城內已安頓王鈞楊海清爲內
應該犯等入城後見施小老張手標洋鎗站在王鈞門前言該賊等如何此時方來我已開城等候多時
等語此續獲各犯之供情也又據王鈞帶省之隨丁姜文才蔣洪馮萬各供正月十二日夜已經陣斃之
賊目趙信五至王鈞家歇宿商進一夜如何言語未聽清楚次早王鈞交趙信五洋鎗一枝令旗一桿令
赴縣屬鼠街招四五十人來城聽用又據隨丁楊壽供十三日夜施小老張言今夜鼠街已來有好幾百
人詢問王鈞如要抵打願認去抵否則願認看家王鈞凝思片時聲稱不打對不住百姓要打又交接過

一句話又據馬夫李小三供王鈞與該馬夫被獲發監於分手時囑其到官不許亂說各等情此又其隨丁馬夫之供情也知縣李世琛之家丁梁明尤謂目擊王鈞同賊進署而王鈞抵死不認覆加嚴訊但稱彼時只想乘此機會進省求得諭便可招勇帶營等語臣等覆查祿勸縣已革遊擊王鈞向充附城五境團首當倉卒聞警之時地方官不得不倚以集事乃該革員於十二日奉諭調團至十三日早始以洋鎗令旗交趙信五赴鼠街招勇趙信五之爲賊目鼠街之爲賊窩該革員住居城內豈遂毫無聞見迫其幫工施小老張告以鼠街之人已來該革員凝思片時回答兩言曰不抵則無以對百姓欲抵又有交接一言是其首鼠兩端情形畢露雖賊首王子榮等有祿勸城內係王鈞內應之供乃聞之陣斃逆首李輔臣已屬無可置證施小老張又不知下落實之已革典史姚紹瓊係聞逃難人所言及獲賊王海山所供王鈞堅不承招而其私心祇圖招勇帶隊不以城防爲意則固臣等親提審訊時該革員所供認不諱者也查該員既奉札調團募勇保衛城池卽有城守之責乃並不招集一人賊至輒棄去潛逃以致城陷官戕比照守邊將帥失守城寨律應斬候惟各賊犯供其爲賊內應衆口同聲且並稱城係其幫工施小老張所開各供不爲無因究應如何定擬相應請 旨飭下刑部核議具奏恭候 欽定下刑部議奏○丁亥諭調集火器營健銳營圓明園馬隊健字利字洋鎗步隊鎗礮廠測量官兵所練電氣機器礮地雷水雷

赴昆明湖西岸並令昆明湖水師練兵礮艇駛赴湖心恭備 慈禧端佑康頤昭豫莊誠壽恭欽獻皇太后
后闕操○許振禱奏臣前於節交白晝曾將河勢情形稟呈 聖鑒今歲之可預慶安瀾者當伏汛正臨
已可得其大概一由上游自陝甘及山西霖雨不多遂無積潦盛漲橫出爲害一由大溜全歸中洪此皆
近年詭爲僅見銀帛禮堤可省工力而於補葺及缺預防生險正好因暇程功且一錢可作兩錢之用良
由我 皇上仁孝愛民以 德勸 天故百神率職默助 隆平殊非 臣等所能所敢希冀得此也 臣仰
戴 皇仁敬感 神恩卽如期恭率僚屬虔祀 河神各廟以報 神功查定例霜降安瀾從此遂爲閒
暇臣觀今歲河入中洪乃能過此難逢僅見之機會益當悉力講求修守因與河防局辦工委員及各屬
員逐加籌議實查出上南中河下南下北祥河五屬各有應行添築之壩應行加護之堤共估計需採購
山石一萬方方足敷用特發銀五萬數千兩交候補道劉黃履中承辦在案議儘年內一律辦成查此事
約有一二可把握者如河工每過生險拋石築壩正應大溜衝激之鋒拋時輒多漂散故有拋四五方之
石而僅作一方石之用者至於攪攘偷漏船不及備料不能足而口價之昂費弊端之難防卽由此出 臣
今幸大溜之不及防鉅險之環生以閒時布置爭先事之機宜未雨綢繆工款之便利不敢遂謂從此
無事但思患預防殊占便宜以有可保之工可省之費故工作更不容稍緩核計自改革後計定歲修六

十萬兩其四十八萬兩均由七廳赴司領出以治要工其河防局十二萬兩由臣飭局員具領一切工作由臣指授分辦今領款差足敷用石料均已先積掣然具列者人人得而知之不復如曩時作難查之案爲未定之詞臣伏自思念自蒙 皇上天恩畀以全河專任本無勞之可言惟怨則實有不敢避且亦不能避者如人言河工難在用人難在籌款難在防險而不知三者皆無所難正在核貳耳今人人以河工爲利藪稍一瞻徇立刻潰敗決裂不可收拾河工向日請款無定款各員皆有捷徑之方彌補之術今歲額已定不能加增而正料雜料皆有定規精工土工皆有專責既不至因公而竭蹶卻無從設法而取盈至於黃河之險或一年一見或數年一見然亦未必無辦法以防之若夫人心之險未免防不勝防故臣方寸甘以身爲怨府而不敢遇事而通融卽特設河防一局亦是與廳員互相比較考核之事凡河防局所辦之工所用之款人人得而議之則廳員所辦之工所用之款其不能逃臣與監工諸員之查核亦明矣臣局中所委用約三十人不准加添此諸人或咨調地方候補之員或竟候選官紳及他省過往之宦然皆相信有素爲切實不欺能耐艱苦之士且定章薪水均給甲下無可弋之厚利保獎修列尋常無可厭之顯階臣原知矯枉過正然亦事勢所窮不得不出於此者伏查今歲爲河工兩年列保之期其在工出力員弁擬由臣彙案奏乞 恩施以昭激勵而自添設河防局以來該委員奔走河壩修防險要盛

暑嚴寒均日在風沙塵土中足爾而烈往往得病實未便沒其真實勞苦相應籲請 皇上天恩一併准由臣開單請獎庶幾通工益加感奮臣亦藉收指臂之効伏乞 訓示遵行 上諭許振祿奏節交霜降黃河安瀾一摺本年黃河上游各省霖雨不多無積潦盛漲為患全河大溜悉歸中洪事機之順為近年所僅見仰賴 神靈默佑黃流順軌普慶安瀾實深感著奏去大藏香十枝交許振祿祇領虔赴 河神廟恭代祀謝用答 神庥仍著督飭該道總等認真防範並令派出之員將上南各欄應行采購石方添築壩垛工程儘年內一律辦竣毋稍疏懈另片奏兩屆安瀾司道各員維持大局不誤要工應請獎敘等語河南布政使廖壽豐開歸陳許道蔭保前署開歸陳許道吳重禮均著交部從優議敘河北道明保著賞加二品銜以示鼓勵河防局委員候補通判黃履中前武陟縣教諭李觀端候選教諭馬汝驤候補州判酌保孝廉方正知縣劉子瀚勤慎耐勞修防得力均著傳旨嘉獎餘著照所議辦理該部知道單併發○劉坤一奏九月初一日承准軍機大臣字寄光緒十七年八月二十二日奉 上諭嚴飭各營精除積習實力操防等因欽此當即轉行欽遵臣維兵不練與無兵同而練兵必先選將江南水陸防軍分紮各處要隘關繫綦重必須由各該統領督飭營哨等官實力訓練嚴密巡防庶幾氣象常新一兵得一兵之用臣於本年三月到任後迭次嚴飭各該統領統帶務各激發天良督率所部勤加練習凡鎗礮之準

則步伐之整齊均須精益求精加意考究至於缺額扣餉以及耗散藥彈尤爲軍營惡習更當痛切屏除每遇各該統領等因公進署時面爲誥誡不啻三令五申又以沿江一帶伏莽未淨游勇會匪行蹤詭秘每多混跡其間徐州海州各屬連界三省尤爲盜匪出沒之區緝捕雖爲地方營縣專責而駐有防勇附近處所若不一律責令協緝難免心存畛域亦經飭由臬司嚴定防勇緝捕章程信賞必罰俾該員弁等各顧考成不敢不力圖奮勉並以各營勇丁賢愚不一難保無游勇會匪從中煽惑復密飭各該統領等於所部各營隨時隨地務須詳加體察如有形跡可疑卽行確切根究嚴拿查辦各哨勇丁必須取其連環保結互相箝制杜漸防微第立法雖嚴尤貴統領得人方能實力奉行漸收實效前因太湖水師統領李新燕辦理不能得力改派記名提督前雲南鶴麗鎮總兵朱洪章接統業經奏明在案茲因統領新兵五營記名提督易至忠雖係宿將而才具殊欠開展難以勝任該營駐防鎮江爲通商口岸地方緊要查前福建汀州鎮總兵李占椿威績夙著膽識兼優委令接統仍駐紮鎮江及象山焦山等處礮臺會同瓜州鎮總兵吳家榜常鎮海道黃祖綸妥爲布置聯絡聲援易至忠管帶奇兵中營調駐江浦又照字五營駐守江陰礮臺責成亦重該統領劉青煦威望未孚應行調省查有統帶忠信兩營駐紮上海之記名提督陳基湘才具穩練紀律嚴明堪以調統並將照字五營改爲新湘勇五營遞遺忠信兩營查有管帶

製造局礮隊之記名提督楊金龍血性過人勇略並茂堪以接統仍兼管礮隊分途訓練俾成勁旅臣
寄忝膺受 恩深重整齊營伍本屬責無旁貸當此佳符未靖時事孔殷又復欽奉 諭旨益當破除惰
面慎選將才飭令按照定章認真辦理總期操巡兼顧戰守有資仰副 聖主整軍經武綏靖地方之至
意下兵部知之○戊子遺眷照恭詣 福陵致祭○予故甘肅涼州鎮總兵蔣秉才於河南省城安徽毫
州建祠戰蹟交國史館立傳○予故定遠縣殉難候選未入流武達卿合族七十七人建祠列入祀典○
松椿奏修洪湖各工完竣下工部知之○己丑九鹿傳霖奏免十五年以前民欠錢糧○庚寅遣聖瑛恭
詣 泰陵致祭○以頭品頂戴前雲南布政使宋廷春重過恩榮延宴賞給太子太保銜○諭裕德奏臚
舉訓士精勤才堪幹濟之教職顧懋恩施一摺山東鄒平縣教諭周士林著交部議敘莘縣訓導劉文濤
惠民縣訓導陳孚恩嶧縣教諭蕭震澤青州府教授樊春林均著賞加國子監學正銜兗州府學訓導陳
德興武城縣訓導劉策庸均著以知縣升用另片奏薦舉宿學等語候選教授法律堂候選教職宋有升
候選教諭尹彭壽經明行修堪資坊表均著賞加國子監學正銜該部知道○辛卯予解清京餉之安徽
蕪湖關監督徵寧池太辰道成章獎敘○鹿傳霖奏綏德等州屬續報被雹並北山一帶早降嚴霜現在
查辦賑撫情形得 旨知道了卽著飭屬妥爲撫卹毋任失所○是月俄羅斯國新簡駐華使臣喀希尼

抵任○法蘭西國使臣李梅回任

冬十月壬辰朔時享 太廟 上親詣行禮○癸巳賜王公大臣餞○長春因病請解任允之○譚鈞培奏借撥石膏等井柴本銀兩下戶部知之○甲午以文秀爲正紅旗蒙古都統奕功爲正紅旗漢軍都統○予故湖南提督鮑超之子候選道鮑祉齡儘先選用○乙未張之洞奏據署湖南永州鎮總兵馬朝龍稟稱現查得嶺東營守備謝上元不守營制貪婪冒糧此皆由嶺東向例稱爲單立營頭每見來文註稱嶺東專營守備字樣因無親臨營將控制以致肆行妄爲歷空錢糧是否招補向不具報該署領到任後雖飭其開補必報究不知所報是否相符查永州鎮標左營遊擊駐紮江華縣距嶺東一百二十里擬請將嶺東守備專營二字裁汰撥歸永州鎮左營遊擊屬轄改爲分防嶺東字樣嗣後如有改革錢糧開報考放等事均歸左營遊擊核查庶幾杜弊較易等情前來臣伏查前據嶺東營呈請營制冊內載嶺東營原係永州鎮左營江華縣屬嶺東汛自嘉慶二十年奉文以嶺東橋頭地方緊要應設一營建立城堡安設官兵以資彈壓作爲嶺東專營改歸永州鎮統轄嗣於道光十二年平糶案內部議將嶺東營守備改歸永州鎮左營遊擊兼轄所有升任考拔員升事件應由左營遊擊核轉其餘經營兵馬錢糧以及一切文移冊案考拔兵糧等件仍照舊章管理在案該營界連粵境山路險遠巡防緊要茲就據該署鎮查明

江華與嶺東相距較近請將嶺東專營二字裁汰改為分防嶺東字樣所有革退錢糧開報考放等事均
歸永州鎮左營遊擊核轉以便考察日係為邊營僻遠整飭稍艱起見所陳尙屬有益理合附片具陳下
兵部議奏○內山西巡撫劉瑞祺奉賜卹如例○予故福建甯鎮總兵張得勝於安徽省城建祠○
裕祿奏本年應進鹿羔未能足額請緩至次年補祭允之○丁酉以奎俊為山西巡撫○福潤奏朔城定
陶郭城武城等縣紳民捐修城垣請飭部存案下部知之○劉秉璋奏川省地僻民稠風俗强悍川東夔
州府屬開萬等縣與兩湖交界山深林密最易藏奸迭經飭屬編連保甲嚴密稽查本年五月初間署萬
縣知縣時履泰風聞有匪徒藉英河等在鄉捏造謠言煽惑民心暗糾匪黨謀為不軌經該縣與典史紀
思預等會商梁萬營都司唐承祥汎舟馬湖芳選派兵役往拿一面電稟省川東道張華奎將訪聞防捕
情形轉電到省當即電示機宜該縣文武於初九日先後捕獲逆匪張洪恩等並起獲偽示多張訊明實
係藉英河起意謀反張洪恩與劉雲裳徐占魁同謀內應欲襲縣城後據派出兵役協同電局巡勇稟報
距縣城七十里之小舟溪地方突於是夜四更後被匪多人將電桿砍斷六根砍壞二十餘根該兵役集
團拿獲執旗悍匪鄭章貴等三名奪獲大小旗幟刀矛二十餘件並追獲匪首羅二喜搜出偽示解案該
縣會同總汛提訊據供均係聽從崔英河謀反糾眾先砍電桿定於五月十一日寅時入城會合起事等

供維時縣屬百姓因首逆崔英河未獲人心惶惑時起謠風該縣出示曉諭解散從一面稟由該道電
省請先斬要犯以安民心臣與兩司接電後當即電飭將張洪恩劉雲裳徐占魁羅一喜鄭章貴崔新年
雷永貞七犯先行正法分別梟示以川東道就近檄調管帶方玉興率領弁勇馳赴該縣彈壓防捕該縣
復檄請降補府經歷張興書帶同兵役於是月十四日跟蹤追至開縣長領扛地方將首逆崔英河拿獲
飛報到省臣電飭川東道就近檄委夔州府誠瑞馳詣該縣督同文武提訊崔英河供認起意謀反並前
獲匪黨羅正雙何得荃聽從起事各不諱當將各犯就地正法崔英河梟示以昭炯戒其在逃之崔太元
等仍飭嚴拿懲辦以絕根株而杜亂萌地方現已一律安靖茲據該縣錄叙供招詳由藩臬兩司會詳前
來臣覆核無異此案標英河起意糾約張洪恩等謀反編造悖逆偽示製備旗幟刀械砍斷電桿定計襲
取縣城張洪恩等均授僞職名號同謀起事實屬大逆不法業經先後訊明就地正法分別梟示應毋庸
議所有在事出力各員不無微勞謹繕清單恭呈 御覽合無仰懇 天恩俯准優獎以昭激勵出自
鴻慈逾格得 旨蔣殿泰等均著照所請獎勵餘依議該部知道單併發○戊戌以孫楫爲順天府尹
王廉爲湖南按察使胡聘之爲山西布政使○賞容貴安興阿在紫禁城內騎馬○己亥予年逾百齡之
福建閩縣縣婦林氏旌表並賞銀段○裕祿奏委派內城協領依勒杭阿與朝鮮官會晤事竣報聞○麗

鄭奏安民之法在於弭盜京城向設五坊每坊分隸練勇五十名遇有竊劫案件司坊官會營協緝務獲晚間則督率梭巡立法本爲詳備但使認真巡緝奸宄自無地可容乃近來坊營各官習爲疲玩因之盜賊滋多日甚一日卽如北城一坊每月盜案累累而該坊官視爲泛常從不實力搜捕每延擱數月賊賊全無縱經練勇拿獲仍不嚴行追比往往失物併未究出已縱賊遠颺矣丁役人等難保無縱賊窩贓情弊捕務如此廢弛無怪一案未破一案復出也一坊如此則各坊可知現在節交冬令宵小尤易竊發若不亟加整頓坐使輩輩之下盜賊公行尙復成何事體嗣後請將司坊官嚴定處分並飭下五城御史不時查察如遇竊盜案件仍照例勒限嚴緝倘限滿無獲卽行從嚴參處則捕務庶有起色而地面可期肅清矣 上諭本日御史龐學呈遞摺件於花衣期內並未黏貼黃面奏事銜名平格大字書寫摺面未書奏字摺尾未書年月日期不諳體制錯誤過多龐學著交部議處其所奏防營疲玩捕務廢弛請嚴定處分等語著該衙門議奏○辛丑 慈禧端佑康頤昭豫莊誠壽恭欽獻皇太后萬壽聖節 上詣 慈寧宮行禮○予年逾百齡之直隸東明縣壽婦聶氏旌表並賞銀段○甲辰劉坤一沈秉成奏本年四月間蕪湖教堂被匪造謠惑眾焚燬該處係通商口岸駐有領事爲中外商民會集之區臣坤一據報後節經電飭蕪湖關道督飭地方文武分投保護拿辦匪犯一面調撥兵輪馳往彈壓並先後派委江蘇候補

道劉佐禹等前赴該處會同地方官切實查辦臣秉成適由上海乘輪回任安徽於滋事之次日道經該處其時謠誑紛紜民情尙多惶惑復飭令設法解散調撥勇營加意巡防先後拿獲滋事匪犯經蕪湖關道成章會同江蘇候補道劉佐禹督同印委確切實訊錄供稟辦前來當查王光金傳有順二犯均係匪黨豫謀滋鬧焚搶之犯卽經按照懲辦會匪章程批飭立予就地正法傳首江甯鎮江上海等處示衆以昭炯戒其餘附和之犯各按情罪輕重分別監禁枷責並將疏於防範之蕪湖關道成章蕪湖縣知縣王煥熙先後撤任調省並飭接署之員訪拿逸匪實力防護又由臣等迭次出示剴切曉諭以釋羣疑該處爲長江往來要衝五方雜處良莠不齊彈壓巡防在在均關緊要兵力尙形單薄不敷分布臣等往返商由臣坤一飭派記名提督譚桂林管帶老湘後營前赴蕪湖擇要常川駐巡以資保衛該教堂焚燬屋物等項派委江蘇候補道蔡鈞會同署蕪湖關道彭祿與教士商議未結因領事主教均駐上海復飭令江海關道蒞紱棗就近與法總領事華格臬等一再妥爲籌商現已一律議結應賠之款若待著追賠償有需時日已飭由署蕪湖關道彭祿先行籌撥款項轉給教士收領以清積牘並飭該道府督飭所屬將各處教堂實力保護一面勒拿逸匪務獲懲辦以期仰副 聖朝輯協邦交綏靖地方至意下所司知之○王文韶譚鈞培奏臣等前因鎮邊文武會同勘界猝被夷匪聚衆攔截參將傷亡當籌剿辦情形由驛

奏報在案旋於八月十六日承准軍機大臣字寄光緒十七年七月二十一日奉 上諭此項夷匪被游勇漢奸煽惑膽敢抗拒官兵傷及大員實屬惡不畏法而應大加懲創以安邊徼等因欽此遵 旨寄信前來當卽札飭護理通南道劉春霖欽遵辦理迭次據該護道稟報參將楊宗墀等陸續馳抵鎮邊招募新軍於八月初一日點驗取齊糧餉軍火次第解到秋氣已深瘴癘漸退因分兵三路派委管帶順義左營留營効力已革守備刁煥彩管帶順義前營楊宗墀副後營楊盛新由蠻童山一路進兵而以管帶順義右營總兵謝景春及留營効力已革參將賀聯陞率兵斷後又派委管帶順義副前營李雲後營李春陽權帶曹定中營屈洪德由錫海對河一路進兵鎮邊營參將鄒位虔督同開花礮隊繼進又派委土都司李芝隆統率所部土勇獨當一路由大雅口進兵陣亡參將尉遲東曉之子尉遲念賓病父被戕復仇志切招集舊部二百人隨營報効挑選精壯派赴前敵布置既定卽於八月十九日一律開報楊宗墀等於二十一日馳抵蠻童山會同原紮黑河之刁煥彩察看河道水深灘險正欲設計搭橋而裸逆乘我軍新到大隊出寨沿河迎拒力難爭渡因以楊盛新刁煥彩更番迎敵楊宗墀帶同諳習水性弁兵百餘人潛往上游河身窄處砍伐竹木連夜編成小筏於次日黎明齊抵河邊賊仍率眾抵禦相持竟日將近黃昏刁煥彩親帶洶水軍士賸覓平水偷渡縋入賊後前後攻擊賊眾驚覺回救楊宗墀等卽督率敢死弁



兵奮勇撐筏直登彼岸鎗礮箭彈一齊施放賊始敗退我軍乘勢畢濟跟蹤追剿奪獲老炭山賊營三座並派哨弁蕭玉春等攻克賊中先鋒營三座賊竄呵噓寨復乘勝平之斃賊無數餘衆四散奔竄此楊宗堦各軍由蠻童山進剿獲勝之情形也其南對河一路李雲於二十日先抵河邊李春陽屈洪德亦於二十一日繼至賊衆隔河抗拒竟不敢渡乃挑選精銳泗水之士一百五十人許以重賞遂於是日五更潛渡過河堵賊來路二十二日黎明李雲等親督各軍乘筏全渡賊衆爭出拒敵被伏兵阻截鏖戰移時殺傷甚夥賊遂不支我軍趁勢追殺勇氣百倍遂將河味大寨攻破一面趕搭木橋以通接濟旋探知賊聚雲藍城恃險負隅二十四日該管帶等一路迎擊將附近雲藍之緬繫屋你老八等寨次第燬賊遁入雲藍我軍合力圍攻頗有傷亡次日黎明李雲等親督各軍環攻益力賊中弩矢如雨我軍勇往向前遂攻克雲藍城移營分紮要隘並就近調撥黃草嶺土練一百二十人分布遣用此李雲等各軍由南對河進剿獲勝之情形也土都司李芝隆一軍由大雅進兵該處路徑紛歧非土勇不能熟悉該土司於二十日由景章布老進攻蒼房及蜜蜂巖賊寨一鼓克之遂督兵進紮湖廣館一俟三路會合卽進取義宋東主兩佛房以期掃穴擒渠此又李芝隆一軍進剿獲勝之情形也現在飭令各軍將攻獲緊要各隘移營固守以防禦逆回竄並將後路糧餉布置妥貼卽行合兵進剿直搗巢穴等情飛稟前來臣等查此次裸

黑夷匪叛亂竄阻黑河爲險要當炎暑瘴盛時我軍亦憑黑河以拒守是進兵伊始當以搶渡黑河爲要
自經劉春霖統率各軍力戰渡河數日之內迭克堅壘十餘處兇悍賊目陣斬不少洵足以寒賊膽而快
人心現在鼓勇長驅軍勢甚順竣事之期當可計日而待臣等仍會飭劉春霖凡倡亂叛夷必應悉數殲
除其並未隨同附和者仍須一體收撫一面聯絡軍心激勵士卒乘此銳氣迅奏膚功得 旨覽奏均悉
卽著飭令派出各軍實力剿辦迅速肅事○乙巳卞寶第奏福建德化縣鄉民與鹽館爲仇聚眾滋事經
知縣邵書升號召團紳郭姓等與哨官徐榮桂帶勇擊散匪首陳拱帶傷脫逃經 臣將解散拿辦緣由附
片具奏在案茲據代理永春州張元鼎德化縣邵書升稟稱陳拱自脫逃後潛赴戴雲山後宅等鄉藏匿
復又煽惑鄉愚稱伊在一日可免一日釐稅該處多係鹽館挑夫頗爲所惑近在山口豎旗意圖兵臨抗
拒該縣諭令解散投誠派縣差二名往貼告示竟被殺害汛弁派兵丁劉德發往探情形亦被殺害祭旗
並敢張貼僞示自稱大元帥派令各鄉助送銀米實屬叛逆昭著該匪恃其居處層巒疊嶂危險崎嶇負
固不服縣中僅擢勝營勇三哨兵力太單不敢輕入稟經陸路提督孫開華添派勝右後哨營馳往剿捕
並派練兵一營駐紮永春州所有各營弁勇皆隸孫開華部下非其親往調度呼應不靈 臣復電請孫開
華親往督派以期速殲渠魁孫開華於九月十八日前赴德化相距僅一百五十里計日可到據咨擢勝

三營自節次裁減後正勇不滿千人三哨親兵不滿二百以之分派城鄉兩地防剿實形單薄請將三營三哨暫照營制添募補足業已電囑照募興泉永道吳世榮亦帶練兵兩哨馳往與孫開華會同督辦德化兵力已厚難保該匪不窮感旁竄尤溪大田二縣與德化毗連最關緊要經臣飭派署建甯鎮總兵劉端冕將所部福字營募補足額並督同總兵廖得勝副將文昌魁楚勇兩營延平協副將賴安邦練兵三哨統由此路前進與孫開華會合兜剿該匪米糧缺少火器無多必須乘此合剿以期一鼓殲擒仙游永福二縣亦有小路可通已派總兵羅洪標營帶練營駐紮仙游之鵝鵠嶺並飭永福營縣一律嚴防以杜竄逸得 旨卽著督飭孫開華等迅速剿辦毋任蔓延餘依議該部知道○以全濟告竣予祥麟許應麟議敘○予故貴州貴東道吳自發照軍營立功後積勞病故例議卹並於鎮遠府城建祠事蹟交國史館立傳○丙午諭前據王文韶奏已故湖南提督馬如龍有功於滇據本籍紳士呈請具奏籲懇恩施當經降旨議卹並准於雲南省城建立專祀戰績宣付國史館立傳茲據都察院奏雲南京官編修陳思霖等臚列該故提督功不掩過各款呈請代奏收回成命等語馬如龍在雲南曾著戰績嗣以傷發身故朝廷賞功有過恩恤有加惟建祠一節必須與論咸孚方稱褒揚鉅典今既毀譽參半前所有建立專祠之處著卽撤銷該部知道○升泰奏扎什倫布扎薩克喇嘛汪曲楚稱稟稱第八輩班禪額爾德尼之父班勒

墊頓柱與第十一輩達賴喇嘛之父策往頓柱均蒙 恩賜公儲寶石頂戴雙眼花翎各在案此次班禪額爾德尼之呼畢勒罕幼而無父出世奇異性多靈敏僧俗番眾誠心頂敬受外祖父母期美汪布撫育恩勤不辭勞瘁今因擇吉坐牀懇請查照歷輩班禪之父蒙 賞銜銜之例此次請以外祖父期美汪布懇 恩賞給銜銜頂戴花翎以示光榮等情懇請代奏前來 奴才查此輩班禪額爾德尼之呼畢勒罕生而無父即受外祖父期美汪布撫育恩勤備至請以封親之例移封外祖父自是報本實情惟歷查前後藏達賴喇嘛班禪額爾德尼之呼畢勒罕坐牀後並無移封外祖父之案此次該呼畢勒罕請援照 恩賞封親之例移封外祖父期美汪布可否仰懇 天恩准其移封抑或降等移封或 賞給職銜或只酬其本身之勞身故後免其喪封應如何酌予 恩施之處統俟 飭下理藩院核議施行得 旨該衙門議奏○升泰奏據扎薩克喇嘛汪曲楚稱稟稱班禪額爾德尼之呼畢勒罕擇吉光緒十八年正月初三日坐牀懇請奏明遵照佛規迎請第穆呼圖克圖阿旺洛桑稱勒拉普結先期前往照料受戒傳受經典查咸豐十年第八輩班禪額爾德尼之呼畢勒罕坐牀受戒彼時因達賴喇嘛年幼未能傳受經典迎請掌辦商上呼微阿齊呼圖克圖奉 旨飭赴扎什倫布寺院遵依佛規照料受戒傳經在案現在達賴喇嘛亦尚年幼且未受格隆大戒查與清規不符未便請迎伏查光緒十四年準定該呼畢勒罕後經第穆

呼圖克圖披剃更取法名均屬吉祥現在適值坐牀受戒仍請第穆呼圖克圖先期至後藏扎什倫布寺院照料受戒傳經扎薩克喇嘛及後藏大衆僧俗歡欣稟請據情代奏前來奴才查該扎薩克所稟以該呼畢勒罕坐牀擇吉受戒傳經之期不敢違悖佛規又因連賴喇嘛年幼未受大戒不便相迎仍請第穆呼圖克圖前往照料受戒傳授經典核與成案相符應否准如該扎薩克所請並飭令第穆呼圖克圖依期赴扎什倫布寺院照料呼畢勒罕坐牀受戒傳經之處奴才未敢擅便謹附片據情代奏報可○丁未賞給京師八旗及綠步各營官兵半月錢糧○賞給閒散宗室覺羅人等一月錢糧加徵宗室覺羅孤寡半月錢糧○諭前據總理海軍事務衙門奏三年校閱五年例保均已屆期請將辦事出力各員分別給獎業經降旨允行慶郡王奕劻自經辦海軍以來盡心規畫悉協機宜深堪嘉尚著交宗人府從優議敘○戊申予贈太僕寺卿卽選知府鄒泗鍾於鎮遠府建祠列入祀典○己酉以永定河安瀾予李鴻章加一級紀錄二次○李鴻章奏留直補用知州施則敬辦賑出力請俟賑闕後送部引見允之○庚戌楊昌濬奏各省籌撥十六年甘肅新餉依限掃數完解請將籌協各員張之洞剛毅沈秉成等分別獎敘下戶部議奏○薛福成奏臣於光緒十六年二月間到任後奏派使署人員查有福建候補副將陳季同精曉法文諳悉外事歷充駐法二等參贊官已六七年當飭留差以資熟手會附片陳明在案旋於三月

間在倫敦使署接到巴黎銀行來信陳季同前借法銀十萬佛郎稱係使館所用原訂光緒十五年九月歸結迭經延宕求速清償等語臣查出使經費皆由上海匯至外洋源源接濟從無不敷之事再查法館支應歷任使臣皆另派員經理似與陳季同無涉因飭該員來英面詢情由據稱係代關廠出洋肄業局所借擬即日回法清理旋據稟已料理完結迨九十月間又疊接該銀行來信知前款尙絲毫未償且於三月間飭令回法清理之時假託臣函稱即日電匯歸還臣不勝詫異復飭該員據實稟覆該銀行亦送到前後字據始知非關廠託借乃係該員於光緒十五年夏間三次所挪之款臣初擬立即撤差查辦因其時該員有經手內地要務恐一經撤動牽礙全局猶冀其自知愧奮趕速籌措以保聲名屢函嚴催不遺餘力詎該員始終推宕至十一月中銀行見歸款無著欲向使館索償臣不得不明白宣示告以使館無代承私債之例該銀行無可置辭始赴法外部控告本年正月間臣查陳季同並無經手未完事件因先勒令告假回華以免洋人傳質有礙中國體面一面飭緝譯人員將銀行往返函件譯成漢文迨三月間知陳季同確係離法始辦文顯撤該員差事並將全案咨送總理衙門備查在案此該員託名使館拖欠洋欸之實在情形也臣竊維中國自派使臣駐洋以來凡隨帶各員因外洋物價昂貴所給俸薪之數倍隄內地原足敷用自光緒十三年經費減成之後稍形支絀然苟力求撙節量入爲出何嘗不可潔

身自好乃該員狃於西俗專講應酬積年浪費致成巨虧且借使館爲名託言公用復節次推宕失信外
人有關中國聲望於情理尤難姑容相應請 旨將總兵銜福建候補副將陳季同先行革職並請 敕
下總理衙門核議應如何勒追懲儆之處按律辦理得 旨陳季同著先行革職交該衙門查辦○辛亥
依克唐阿奏請暫停冬圍從之○壬子以解濟京餉予裕祿查辦德標等加一級○以承運米豆出力
予胡燏棻加一級紀錄二次○癸丑德福奏熱河匪徒竄擾朝陽請先將道府交部議處並自請議處得
旨德福廷雍啟紹均著先行交部議處○諭班禪額爾德尼呼畢勒罕於明年正月初三日坐牀著派
升泰會同蘇博諾門罕前往看視所有頒給敕書賞賜等件著由驛馳遞其沿途經過地方妥爲護送並
著劉秉璋於司庫提銀一萬兩派員迅速解往一併賞給班禪額爾德尼祇領○裕祿延茂奏准禮部咨
議奏盛京內務府所屬官莊壯丁應否准考請 飭該將軍等詳細查明據實奏明核辦一摺光緒十七
年七月初四日具奏奉 旨依議欽此查該部原奏內稱光緒十六年十二月內開鈔出盛京將軍裕祿
等奏盛京內務府會計司所屬官莊壯丁久未與考查係檔冊有名無實 飭部核議立案一摺奉 硃
批禮部議奏欽此欽遵到部查原奏內稱據官莊壯丁趙鎮等聯名呈訴該丁等係 國初設立官莊時
撥歸會計司隨同莊頭報種官田與莊頭同冊註載並無不准考試明文本衙門因無成案不肯送考請

詳查核辦迭經轉查內務府查得會計司所管人丁四項莊頭爲一項壯丁爲一項莊頭戶下壯丁卽係僕人爲一項阿爾古營寄養人丁爲一項查莊頭及此項壯丁均載正冊其戶下僕人並寄養人丁均載另冊咸豐十一年前任將軍玉明等奏分別准否考試摺內僅將莊頭一項列入准考其莊頭戶下壯丁並阿爾古營寄養人丁兩項列入不准考試惟將此項壯丁漏未聲敘以致該衙門無案可循未能送考正在核辦間復據該壯丁將原置旗地印契呈驗查戶部例載奉天所屬旗地不准民人及旗下家奴並養子開戶另記檔案人等盜典盜賣今該丁等所呈旗地印契設非正身旗人該管衙門何敢率行過割且查據內務府該管佐領覆稱此項壯丁與莊頭同冊並列並非革退莊頭子孫亦非另冊僕人亦非寄養人丁奴才等覆加詳核此項官莊壯丁既與莊頭同冊並列已屬冊檔有名會准置買旗地卽與正身旗人無異查禮部例載道光四年覆准盛京戶部所屬壯丁查明委係正身旗人檔冊有名身家清白者均准考試今該壯丁與戶部所屬壯丁事同一律可否准其考試仰懇 勅部核議立案等語當經臣部先後查據內務府覆稱盛京造送莊頭檔內雖列有壯丁人等未悉此項壯丁與莊頭戶下壯丁有無區別至此項壯丁未曾送過考試應否准其一體與考前將軍玉明等分別考試時漏未聲敘無從查核又稱該處造送另冊內列有壯丁名目者甚多而各冊首頁註寫名目又復不同應將前將軍玉明等奏准

全案及另冊各首頁註寫名目鈔單送部由部行查該將軍等因等詳加查核前將軍玉明等原奏於各項人丁分別准考不准考名目甚詳獨於此項壯丁未經聲敘覆查內務府鈔送單內該將軍造送冊檔有三十餘項之多有首頁指明壯丁者有冊內雜入壯丁者至何項爲莊頭同冊之壯丁何項爲莊頭戶下另冊之壯丁究亦無從分晰且前將軍玉明等原奏內稱小門人丁同於正身旗人冊內串寫屬目不清易滋淆混擬將小門人丁另立檔冊以便清查等語此次內務府鈔單內指明小門壯丁者僅有鑲黃正黃兩旗此外各旗有無亦難懸揣究竟何項壯丁與莊頭同冊亦未能切實指出等伏思正身旗人與各項人丁不容稍有混淆況事關考試尤應慎別流品今盛京官莊壯丁雖該將軍聲明與莊頭同冊並列而咸豐十一年議准考試原案既未聲敘明晰內務府現存冊檔又復名目紛歧此項壯丁應否准考部未便遽行核議應請飭下該將軍等再行確查此項壯丁既與莊頭同冊該處內務府有無實在證據該壯丁之祖父從前究係何項壯丁是否與莊頭同爲正身旗人身家自否清白現在共有若干戶迅卽詳細查明據實具奏並將冊檔鈔錄送部以憑核辦等因咨行遵照辦理欽此等伏查盛京內務府現存冊檔雖屬名目繁多然各司各旗均有專司不容牽混此項莊頭同冊之壯丁並莊頭戶下僕丁暨寄養人丁均係專歸會計司管轄業經前奏聲明至其餘別項人丁並小門各戶另有各司各旗專

督與此項壯丁均不相涉茲准部議前因復經奴才等咨行盛京內務府飭令該管佐領詳細查攷據稱
破查此項壯丁之祖父於編設莊頭時同入旗籍與莊頭同冊並列准其擬買旗地即為正身旗人身家
清白並遺具此項壯丁各戶印冊一本咨送前來奴才等公同覆查無異謹恭摺合詞具陳下禮部議奏
○甲寅沈源深奏請朱儒游昨從祀 文廟下禮部議奏○乙卯黃王恕圖等處銅廠煖廠米石○欽奉
慈禧端佑康頤昭豫莊誠壽恭欽獻崇熙皇太后懿旨今年冬至次日著停止行禮○于解清京餉之江西
總辦九南道李希遠獎敘○卡爾第奏請將閩省茶捐照章開獎下戶部議奏○戶部奏 等查從前各
省督撫或因軍國要需借用洋款皆須先行奏明請 旨辦理並由總理各國事務衙門照會駐京使臣
以為證據從未有徑向洋商私自訂借者今故撫張曜於未經准銷之款濫行支用又不先行奏明輒向
洋商借用鉅款合同內訂明如該撫升遷即歸後任承認又有如該撫力不能還即奏明由 朝廷歸還
並付利息等語且奏用山東巡撫關防故洋商亦遂深信不疑今 等遵 旨妥議業經按照原請之數
分別指撥的餉俾得清項借款惟懲前毖後極應豫為之計擬由總理各國事務衙門照會各國駐京使
臣嗣後中國大小官員如有借用洋商銀兩須令該商先行稟報駐京大臣問明總理各國事務衙門果
係彰明有案方可借給若無奏准據而私自借給者故有事故無論會否盡用關防印信 朝廷概不

與國亦不能為之代追如此像為防維庶足以杜效尤而弭後患得 旨如所議行○丙辰楊昌濬奏古
水井守備肅得華因公渡黃澗舟殞命下兵部知之○諭獎恭簡奏酌保學行兼優之教官生員恩獎
勵一摺廣東韶州府學教授潘履端著賞加五品銜順德縣學廩生簡朝亮著以訓導選用該部知道○
諭德福奏十七日匪徒竄入州街焚燬教堂各等語既稱匪眾約有數千何以監獄衛署民居鋪戶全無
擾害既稱兵軍匪眾未敢窮追何以數千之賊不戰自散情節匪類支離顯有飾詞規避情事著確切查
明據實覆奏○丁巳諭許振偉奏摺差被劫請飭緝捕等語著李鴻章查明參處○戊午諭軍機大臣等
熱河賊勢竄擾勢甚猖獗直隸沿邊各口徑路紛歧亟須加意防守以杜內竄應如何調派各軍各路駐
紮著李鴻章統籌全局妥速布置不得稍有大意○庚申子年逾百齡五世同堂之虞門 恩賜
遠勝旌表並賞銀段○禮部奏 醇賢親王國祿請派大員管理欽奉 慈禧端佑康頤昭豫莊誠壽恭
欽獻皇太后懿旨著總管內務府大臣管理

臣朱壽朋敬編

臣汪錫增恭校

十一月辛酉朔奎斌爲熱河都統以惠銘爲察哈爾都統
門內騎馬張之萬在西苑門內乘二人肩輿○德馨奏江西本年冬漕請仍折徵下戶部知之○壬戌命
載瀾管理圓明園八旗包衣三旗官兵並烏鎗營事務○賞管旗奕劻翁同龢孫家鼐在西苑門內騎馬
○諭軍機大臣等德福奏官軍剿匪獲勝一摺覽奏均悉此次官軍連日剿賊尙稱得手卽著德福葉志
超督飭派出各隊節節進剿務期早日殲除毋留餘孽另片奏赦罕王旗諸兵會剿等語再本日理藩院
奏喀拉沁扎薩克郡王旺都特那木吉勒呈報被擾情節大略相同著李鴻章迅飭葉志超分兵馳赴該
王旗等處實力防剿認真保護以衛藩服而靖地方○癸亥葉志超奏奴才前將官軍連日剿捕賊匪擒
斬多名奪獲鎗械旗幟馬匹無數既擊散三十家子夥匪保援建昌等情均已奏明在案現在調派馬步
各營俱已先後到防當飭督帶親軍馬隊右營參將劉運昌管帶百北練軍馬隊後營遊擊夏青雲兩營
由建昌一帶節節進剿朝陽並派前敵營務處記名提督江自康管帶百北練軍左營參將韓照珩管帶

正定練軍右營參將葉玉標協同防禦雙祿酌帶馬步隊伍會合相機進剿並飭副將潘萬才管帶馬隊二營由五虎馬梁老河川攻剿喀拉沁王旗賊匪奴才仍紮駐平泉州街西距熱河一百八十里南距喜峯口一百九十里東距建昌一百八十餘里北距額拉沁王旗一百餘里實屬適中之地足堪四面策應逐日飭派官軍四出搜捕戰無不克除臨陣殺死不計其數外現生擒竄匪百餘名均經訊明正法茲於十月二十九日據參將韓照琦等稟稱於二十七日丑刻據探報賊匪二千餘名在建昌東南之瓦房店地方盤踞意欲攻取建昌縣街當經參將韓照琦劉運昌葉玉標遊擊夏青雲駐建練軍馬隊幫帶記名總兵蘭福喜等協同管帶熱河隊官防禦雙祿整隊起程迎擊行至五官營子見賊匪散野而至執堅五色大旗勢甚猖獗我兵嚴陣以待該匪膽敢先放大礮攻撲前來我軍鎗礮齊施奮勇爭先併力抵禦相持二三時之久賊勢不懈並見有賊首著道巾衫衣執劍作法狀若瘋顛經參將韓照琦葉玉標等奮不顧身督隊直進將該逆擊斃賊眾驚慌復經劉運昌夏青雲兩營攻擊該匪腹背受敵當經聚殲五百餘名騾馬百餘匹該匪緣山奔逃我兵跟蹤尾追復經擊斃賊匪暨墜巖跌死者三百餘名徧野橫屍血污滿地生擒數十名詢悉擊斃賊內有賊首十數名奪獲大礮三尊賊馬數十匹擄鎗火鎗旗幟刀矛衣物無算我兵亦有陣亡二名受傷兵二十餘名打斃官馬十餘匹現在醫治等情稟報前來伏查此股賊匪

自起事以來妄稱妖術煽惑愚民始則燒殺蒙古教堂繼則強搶良民殺傷日甚分股竄擾勢成燎原幸賴我皇上天威將士用命先聚殲此股前敵悍賊現在平泉郡街暨附近各處漸就安靜市井安復如常該匪等經此一番懲創即另股諒必聞風膽落可期一鼓殲除堪以上慰宸慮奴才初抵平泉之郊深慮賊眾兵單剿捕恐難得手幸經督臣李鴻章調派各處馬步隊伍各選精銳剋日拔隊前來相距七八百里之遙四五日之內皆能先後到平泉奴才接見該統領營官等頗形勞頓未容休息即令帶隊進剿查統領薩彥練軍各營記名提督聶士成久經戰陣謀勇兼優應令督率馬步各營前往建昌朝陽一帶相機進剿此股賊匪當可早殲以除巨患然後路自不宜空虛尤當妥爲布置以免疏虞擬派遊擊沈大猷帶步隊一營暨奴才馬步旗練親軍隊駐守平泉彈壓搜捕至平泉州與承德府接壤之老婆子山等處賊匪經派管帶熱河駐防馬步隊協領根齡佐領春和等前往搜捕迭據拿獲多名解送來營訊明正法其各處地方統由奴才布政周妥再行察酌情形前往建昌督剿所有奴才到平泉屢獲勝仗異常出力官弁合無仰懇天恩准由奴才會同直隸總督李鴻章熱河都統德福先行請獎以示鼓勵之處出自逾格鴻慈其陣亡兵丁容俟奴才查明再行咨部請卹受傷兵丁由奴才分別等次先行給予銀兩飭醫調治務期速痊外其現在駐紮島峯口之通永鎮總兵吳育仁已由奴才飛咨令其就近截拿平

泉建昌等處擊散之賊理合恭摺馳陳得 旨所有出力官弁著先行存記擬案奏獎○科爾沁博多勒
噶台親王伯彥訥謨祜卒賞銀五千兩治喪以其孫阿穆爾璽連承襲親王○載瀾等奏奴才等奉 命
看視獎賞遵卽於十一月初一初二兩日分赴在上駟院內務府堂上看視所有護軍內平素守衛謹慎
者逐一驗看拉弓考問清語尙屬一例純熟應賞七兩之親軍校護軍校一百七十六名應賞六兩之親
軍前鋒護軍一千六百九十名應賞五兩之前鋒護軍烏鎗護軍內務府護軍三千一百二十二名共四
千九百八十八名共應 賞銀二萬六千九百八十二兩擬請照數 賞給其傳籌木棍護軍應穿皮墩
兩衣腰刀等項應由餘平項下修理俟 命下之日卽將該營所造花名印冊暨應照現章折領銀數咨
送戶部核放理合將看視數目恭摺陳得 旨如所議行○甲子以崇禮爲右翼總兵○命管旗管理
健銳營事務文秀管理火器營事務○命奕劻爲鑾儀衛掌衛事大臣載瀾爲總理行營事務大臣福錕
爲閱兵大臣○命載漪管理上虞備用處事務恩全管理營繕處事務巴克坦布管理圓明園八旗包衣
三旗官兵並烏鎗營事務○調敬信爲鑲黃旗滿洲副都統廣音布爲鑲白旗滿洲副都統以文興爲鑲
黃旗蒙古副都統○命奕劻管理武備院事務○諮建水縣被災田糧○乙丑調管旗爲正白旗滿洲都
統奕謨爲正藍旗滿洲都統以載瀾爲鑲紅旗漢軍都統奕綱爲鑲黃旗領侍衛內大臣○丙寅以奎斌

爲內大臣○額爾慶額奏據總辦城工局務額魯特游牧領隊大臣總理營務處前塔城屯防副將白占春等呈稱竊領隊等承辦塔爾巴哈臺城工局開辦以來已屆三載蓋因邊地早寒作輟相半致曠時日已於去年十月中旬將城身築成尙有城樓甃洞礮臺角樓垛口等項尾工未完本年極力督催未敢稍懈茲於八月二十三日各工一律告竣共用過經費銀十九萬八千三百餘兩除另造具細數清冊外理合出具保圖印結呈請奏報並請派員勸驗查收以昭核實當經奴才檄飭署塔城撫民同知石本清前往驗看查收旋據該署丞詳細履勘計修綏靖新城一座周圍五里三分有奇城身高二丈二尺底寬三丈六尺收頂二丈二尺大城樓三座月城樓三座大礮臺一座腰礮臺六座角樓四座護城廟基一座城門甃洞垛口俱全均係工堅料實所報丈尺做法均屬相符無偷工減料情弊加具印結申覆等情前來奴才查塔城遠處極邊百物昂貴較之他處實相倍從當開工之際諸事創始需費尤多木料則自行派人砍伐轉運磚瓦則臨時開窯燒造工匠多雇之新省器物或購自遠方且地氣極寒每年至三四月始能工作九月冰合卽須停工經該委員等督飭弁勇工匠等併力合作始於本年八月二十三日各工一律告竣共用過經費銀十九萬八千三百餘兩並經奴才飭令承辦各員趕造各項銀兩細數清冊另案報部核銷以重款目至原設城工總局已於完工之日卽行裁撤以節糜費奴才伏念塔城自逆回變亂

以來舊城淪陷居民流徙僅有子遺近年會匪游勇偶有流言則人心惶惑經奴才察看情形奏蒙 聖
明洞鑒准其擇地建城以資捍衛茲幸城工告竣頗極崇墉從此鞏固金湯與伊犁各城聲勢聯絡雖然
爲西北重鎮藉以上紓 宸廑惟該文武員弁等承辦要工毫無貽誤或跋涉於冰天雪地之中備嘗險
阻或操作於烈日炎風之下歷受辛勤前後三年始終如一實屬異常出力似應量加獎敘查新疆各處
修建城工凡屬在事人員一經該督撫等陳請無不仰沐 恩施今塔城修建新城事同一律可否仰懇
天恩俯准將在事文武員弁勇丁等擇尤從優保獎以示鼓勵之處出自 逾格鴻慈得 旨著准其
擇尤保獎毋許冒濫○定安等奏熱河潮陽縣匪徒滋事奴才等前於得報後卽經會商派兵堵剿會同
恭摺由驛馳陳奴才裕祿於十月二十一日奉到電寄 諭旨並將大概情形先行奏明復於二十五日
欽奉 寄諭又經欽遵恭錄分飭盟陞阿等各營實力會合援剿各在案茲於十月二十四日據記名總
兵譚桂林電報二十日至朝陽縣探得該匪在八角山地方與朝陽練勇接仗隨即統帶各隊馳往夾攻
先後斃賊二百餘名生擒十數名賊衆逃竄二十一日追及該匪於朝陽東六十里之桃花吐地方盡力
攻撲斃賊五十餘名當有大品軍功張萬祿陣亡外委王富貴身受重傷該匪乘夜逃竄二十二日仍督
隊追剿該匪聚約二千餘人膽敢列陣迎敵譚桂林當飭幫帶閻文魁與哨官楊進山督所帶馬隊由東

路攻打哨長趙玉良哨官周廷順錦州捷勝營馬隊扎蘭著林等由西路攻打並飭中後兩營步隊哨官楊永安張奎元吳朝祥哨長李天收等由中路攻打自辰刻接仗鏖戰四時之久我軍奮力迎擊至未刻賊勢不支大敗奔潰追出三十餘里鎗斃賊匪七百餘名生擒三十餘名奪獲標鎗長矛等械二百餘件大小十字令旗二十餘桿收隊後查點受傷兵丁七名賊匪往北逃竄天黑未能窮追現復帶隊趕往朔陽縣城東北西官營子一帶追剿二十三二十五等日據記名總兵耿鳳鳴電報二十二日曉帶隊行抵朝陽界距清河門六十里之老崖溝地方遇另股賊匪約三百餘名當即帶同各隊直撲而前斃賊四十餘名生擒首匪郭滿溫等二十九名燒死百餘名奪獲旗械甚多餘賊奔逃大廟三家子珠勒格歹等處又於二十四日追至珠勒格歹賊復聚約一千四百餘人各執器械迎拒該總兵督率各隊由辰攻打至申賊始大敗斃賊數百名餘賊搶山逃竄現仍追蹤探剿又據義州城守尉義秀知州陳榮昌於二十七日稟報該尉州等探聞遼外有賊東竄於十九日會派把總張起德捷勝營扎蘭科興額帶兵沿途探緝行至水泉屯地方適遇賊匪七八十名內有女賊隨同執持鎗械蜂擁而來該扎蘭等分隊迎擊賊勢少卻退入院中該把總同扎蘭闖入被賊將張起德砍傷左右手科興額左手亦受重創仍復督隊攻撲當時擊斃男女賊匪各一名並將教首杜把什打斃又連斃男賊七名女賊二名賊首楊明乘隙逃逸擒獲

夥匪楊利王葵劉笙三名並續獲匪首楊明夥匪賈連山二名又於二月十七日據佐領依桑阿電報該佐領於二十五日在朝陽界大廟與賊接仗殺死賊匪七八十名生擒二十名各等情所有派出各隊在朝陽一帶分投剿捕勇往直前各有斬獲所辦向爲得手惟據探報此項教匪明建平三州縣夥黨正衆處處響應股匪甚多奴才裕祿現復於二十四日添派總兵銜山東補用副將程楠森帶領所部步隊一營馳往朝陽相機接應仍當督飭各該營互相知會合力堵擊不准稍涉鬆勁惟現據探報北路附近新立屯哈拉套力改等邊外亦有股匪焚殺搶擄該處切近奉省廣寧新民廳之彰武臺門土庫邊門誠恐紛竄肆擾而康平一帶道路處處相通地面尤屬遼闊奴才等復經會商於二十四日添派提督銜記名總兵張永清帶領所部步隊暨調到東邊馬步各隊前往彰武臺門至哈拉套力改新立屯以及庫倫街一帶防剿堵擊並添派盛軍步隊兩營暨捷勝營銀白旗馬隊統交三省練兵行營翼長果福帶往法庫門康平縣遼海屯暨科爾沁蒙藩部落等處會合防剿以厚兵力一面知照豐陞阿相機督率分投剿辦除俟得有續報再行隨時具奏 上諭前據德福奏熱河朝陽匪徒滋事當飭令李鴻章定安裕祿各派弁兵分投剿捕旋據直隸提督葉志超奏在建昌縣三十家子等處剿賊獲勝茲據定安裕祿李鴻章同日奏報迎剿教匪屢獲大捷情形覽奏均悉十月二十至廿五等日奉天所派總兵黃桂林耿鳳鳴等在

朝陽縣界連獲勝仗生擒匪首郭滿溫楊明燧斃教首杜把什陣斬賊匪千餘名餘賊敗潰現復添派總兵張永清等前往彰武臺門一帶會剿葉志超所派各隊於廿五日在建昌所屬五官營迎剿教匪格殺大頭目傅連信彭太和並斃異服誦咒道匪多名賊尸枕藉奪獲器械馬匹無算平建一帶賊匪頓息現由建昌至朝陽節節攻打並派馬隊由喀拉沁王旗西北一路兜剿辦理尙爲得手此次直隸奉天派出各軍奮勇爭先每戰皆捷深堪嘉尙仍著李鴻章定安裕祿分飭諸將領乘此聲威合力進剿迅將朝陽踞匪一鼓殲除毋留餘孽以靖地方○吏部奏軍機處交出熱河都統德福片奏此股匪徒紛竄肆擾因與敖罕旗蒙古人挾仇釀成事端以致竄入朝陽將縣衙焚燒該縣雖無城池可守距城六百里之遙倉猝滋擾迫不及援究屬疏於防範除該處文武員弁容俟查明分別多辦外查熱河道廷雍承德府知府啟紹有整飭表率之責各有應得請旨將熱河道廷雍承德府知府啟紹均交部議處奴才德福既係兼轄熱河道承德府所屬州縣亦不敢辭咎懇請一併交部議處等因於光緒十七年十月二十四日奉硃批德福廷雍啟紹均著先行交部議處欽此欽遵到部查定例野賊苗擾擾害地方及無土官管轄之生苗爲盜如有焚劫鄉村搶擄男婦殺傷兵民者兼轄官降二級調用統轄官降二級留任督撫降一級留任俱公罪又官員處分事關軍務惟失守城池統帶兵勇所得處分不准查抵等語此案據前熱

河都統德福片奏此股匪徒竄入朝陽將縣衙焚燒雖無城池可守究屬疏於防範請將熱河道覺羅廷雍承德府知府啟紹交部議處並自請一併議處等因欽奉 硃批德福廷雍啟紹均著先行交部議處欽此臣等查該都統此次奏片僅請將縣衙焚燒並聲明無城池可守至地方如何被擾及攻陷情形片內未據敘入俟查明文武員弁另參到日再行一併核議外所有此次處分自應先行比例核議擬請將承德府知府啟紹比照野賊苗蠻焚掠鄉村兼轄官降二級調用例先行議以降二級調用熱河道覺羅廷雍比照統轄官降二級留任例先行議以降二級留任前任熱河都統德福比照督撫降一級留任先行議以降一級留任查熱河都統現經 簡放有人德福所得降一級處分應行註冊再德福及廷雍啟紹等所得處分均係公罪惟匪徒竄擾焚燒縣衙應否照事關軍務例雖係公罪不准抵銷之處理合聲明請 旨恭候 欽定 上諭吏部奏遵議處分一摺熱河都統德福著降一級留任現在開缺照例註冊熱河道廷雍著降二級留任承德府知府啟紹著降二級調用均不准抵銷○刑部尚書嵩申卒賜卹如例賞其子志賢郎中○丁卯命容貴管理烏鎗營事務○以黃恆爲刑部尚書懷塔布爲都察院左都御史○命孫毓汶兼會典館副總裁○戊辰以立山爲總管內務府大臣兼管奉宸苑事務○以桂祥爲鑲白旗漢軍都統○諭崧蕃奏革員欠繳銀兩請飭查明勒追等語已革貴州青谿縣知縣張偉堂欠解

地丁等銀一千七百六十六兩零迭經嚴催迄未完解逕回四川原籍又聞其赴臺灣報効實屬任意玩延著劉秉璋沈應奎查明該革員現在何處迅卽解赴貴州勒追欠款以重庫儲該部知道○馬丕瑤奏接准風西正考官翰林院編修劉玉珂副考官翰林院檢討吳育仁咨稱本考官選題發刻照章挑選詩韻附刊題後因坊本裝釘訛錯倉猝失於檢點韻選二冬誤書洪瑞二字迨將題紙發出之後始知錯訛更正不及惶悚實深理合自行檢舉咨請代奏等因相應據情代奏得 旨劉玉珂吳育仁均著交部照例議處○己巳以德隆爲右翼前鋒統領奕劻爲正白旗護軍統領尙昌懋爲正紅旗護軍統領裕德爲鑲白旗漢軍都統○以崇光爲戶部右侍郎調文興爲盛京禮部侍郎以啟秀爲禮部左侍郎○前任寧夏將軍奕劻卒賜卹如例○奕劻奏請開領侍衛內大臣差使允之○楊頤奏各省書院之設與府州縣學相維其造就至廣然必院長常川住院朝夕與生徒相見乃能施誘掖而勵觀摩查蘇省兵燹之後書院齋舍多未修復生徒絃誦無所院長亦少住院甚至以陽省陽府曾任顯秩者遙領而兼攝之或一年至院數次或數年不至院名爲主講而家衡安居書院遂成虛設甚非 朝廷培養人材之本意也臣駐署江陰縣有南菁書院創設於前學臣黃體芳遞年延請院長專課通省士子經古以講求實學其建造齋舍經費由各官捐集而成其院長修膳生徒膏火則係咨商前督臣左宗棠借撥淮北鹽課項下銀

二萬兩雖與生恩備支奏明在案創設之初經費僅足敷衍追前學臣王先謙任內復有前清河道黃學曾等捐撥地畝一頃而經費稍裕臣蒞任後又添蓋齋舍數十間規模益拓院長浙江舉人黃以周品端學淹主講八年常川在院功課既密士風蒸蒸日上就目今蘇省書院而論生徒朝夕講習常獲稟承師訓者南菁一席實爲碩果僅存深恐日久懈生所延院長或隨俗波靡不時在院則生徒聚散無常難期造就且恐學居終日無人提撕業荒志蕩流爲放僻勢所必至合無仰懇 天恩飭下江蘇學政衙門著爲定章嗣後延請山長必訂明常川住院然後關聘庶學臣得名實實據舉比者知以素餐爲恥則誘掖必專似於培材之道不無裨益緣此書院修膳膏火明係借撥鹽票銀兩生恩備支與給發官帑無異理宜慎重將事且院長向由學政衙門延請臣職有專司今當報滿不敢不就管窺所及據實上陳得 旨如所請行○諭軍機大臣等朝陽於十月十三日失事該縣廖倫明並無稟報直至二十九日始行具稟收復所稱接仗受傷各節殊難憑信難保非當時逃匿事後捏詞避罪著李鴻章確切查明如有潛逃捏稟情事即著嚴參治罪○庚午以桂祥爲領黃旗蒙古副都統○辛未調海納爲奉宸苑卿以長有爲上駟院卿○調載漪爲正黃旗領侍衛內大臣以容貴爲正白旗領侍衛內大臣○李鴻章奏欽奉光緒十七年九月十六日 寄諭國倭奏兵丁索米致傷知縣拿獲送部請飭進放米石一摺據稱該處兵丁應

支米石自五月至今該縣僅將春季兵米開放夏秋兩季尙無放期經國俊將密雲縣知縣王夢齡調盤面詢該兵丁等輒因索米拋石致傷該縣懷骨現將馬甲松玉等三名拿送刑部審辦兵米關繫緊要何以該縣日久未放致滋事端著李鴻章確切查明飭開放並據實覆奏等因欽此並據該縣稟請查辦當飭密昌道德克精額前往確查並令督飭該縣速將米石開放以濟兵食茲據擬稱該道於九月二十一日馳抵密雲該縣王夢齡已赴通州運米調查縣倉僅存兵米七百餘石通州尙存米七千餘石每季駐防兵米向例八旗十六佐領開放每日開放一佐領需米一百六七十石十六佐領共需米二千七百餘石若待運齊再放有需時日當飭典史於二十三日開倉支放是晚王夢齡公回多僱車輜趕緊挽運隨到隨放十月初二十三二十四等日將夏秋冬三季兵米分解開放完竣至該駐防兵米向由山東撥運至通各幫先後到齊總在四五月間該縣奉到倉場總督行知卽赴通州聽候坐轎隨通承道督同驗兌方能開斛兌收因原來米多潮濕必須揚曬每日不過收米一二百石其間陰雨不時卽須停兌統計兵米一萬一千餘石非兩三月之久不能竣事春季之米多係夏間穀法趕先運放其餘三季之米因夏秋陰雨纏綿道路泥濘難行中隔大河三道竟有舟車不通之時兼以秋收農忙車輛無從僱覓歷年以來俟冬初沿途橋梁告成始得源源運放非是該縣一任爲始本年該縣奉文後起程赴通六月初十

驗播山東頭幫開斛兌收一面盤運春季兵米卽於是夜放竣當將地方緊要事宜迅速清盤仍赴通州將夏秋並冬季之米全行兌收於九月初九日回縣備車接續盤運十二日經副都統傳見議定二十三日開放夏季兵米市經出營卽有兵丁催索米石拋擲磚石致傷該縣右額現已痊復等情稟覆前來臣查密雲縣運放夏秋二季駐防兵米既據該道查明歷任總須冬初運竣本年夏季兵米該縣王夢齡定於九月內開放尙係提前辦理且查東陵駐防兵米五萬餘石向來亦係十月間開放以彼證此委非遲延該兵丁何至因索米起釁毆傷官長復加察訪該駐防一切詞訟悉由該縣訊辦遇有好事關復之輩與漢民人挾嫌爭毆該縣訊明曲直秉公懲治不稍姑息理曲者不自認咎懷恨在心此次假公濟私逞兇洩忿在所不免滋事之馬甲松玉等已由該副都統拿獲送部應候刑部訊明酌議懲辦以儆效尤理合恭摺據實由驛覆陳謹聞○李鴻章奏欽奉光緒十年十二月二十四日 寄諭御史恩隆奏順天大城縣當子牙河衝要民間修堤自衛該知縣忽改新章以致兩岸居民繁興怨讟等語河堤保衛民生總期有利無害該縣是否有改章滋怨情事及應如何妥籌辦理俾兩岸堤工均資保護之處著李鴻章等確查具奏等因欽此並准府尹咨會來直當行天津道飭委候補知縣略孝先前往查訊未結嗣因縣民劉奎元等先後京控經臣飭委候補道金福曾赴縣確查該道檢查創始圩堤原卷早經廢失僅有自

咸豐七年起按年修守堤段舊章內載某村修守堤工若干並無以地遠近攤派修堤之數究係憑何分段無可稽考光緒八年臣以子牙河堤工年久失修自泆沱改歸故道兩堤實爲田廬保障奏明撥款派員加修並飭沿堤村民不時修守其西堤密邇天津非若東堤地勢較高地內有溝洫之處九年間前署縣王益壽因舊章派辦修守貧村地少工多如杜莊以七頃五十畝之地修四百四十餘丈之堤八方村以二十頃之地修七百八十餘丈之堤民力何堪而王香屯堤長所管八里村一段乃以二百六十頃之地修八十三丈之堤則又地多工少彼此相懸數倍未免苦樂不均且楊家村口在河東於西岸並無一畝之地派修西岸四百餘丈夫利於西者害於東豈能強而爲此爾查歷年已久形勢變遷每值派辦修時異常掣肘是以酌照西堤現存地畝按畝分堤計地一畝修堤四十四分零改定新章稟明立案當時實有不能不改之勢候補知府惲桂孫前於八年間修築西堤即係按畝派工王益壽之請改舊章亦本此意其減者因地少而減增者因地多而增本非有所偏倚惟築堤事暫衆議尙肯勉從修守事常聚戶尤多未洽王益壽於交卸時恩惠舉辦未及與衆紳民先事籌商後任陳壽春照依新章派辦在舊章地少堤多減派各村因此樂從而地多堤少饒裕各村相沿已久頓加堤段劣紳富戶希圖規避因而煽惑愚民捏詞糾控並無兩岸居民繁興怨瀾之事查按地分堤固屬至公第與舊章多少懸殊改派惟難不

得不量爲變通因又會同天津道參酌情形除舊章地少堤多之村新章核減不過多及舊章地多堤少之村新章核增不過多者均毋庸議改外其新章增加地段之村如較舊章所增過多又或距堤甚遠應分別核減以順輿情但問應減不應減不論其控不具控庶民氣得平爭端自息新章減少地段之村如較舊章所減過多又或地處堤沿量予核增以歸平允擬照新章原定尺寸稍加一二仍視舊章大爲減除俾無異議以上應減應增各村必須明示所以增減之故仍照新章按畝分堤尺寸核派多少不得僥統增減致啟民疑等情詳經批准飭縣出示諭遵各村允服先後認段修守現已試辦四年毫無窒礙據升任天津道胡燏棻詳覆奏前來臣查大城縣子牙河堤實爲衝要西堤密爾大堤較東堤尤爲喫重近年以來迭發官款培築民間修守定章歷久廢棄馴至貧村地少工多富村地多工少弊端百出苦樂不均每遇修防觀望推諉貽誤滋多前署縣王益壽稟定按地派土每畝僅認四寸零輕而易舉公允便民向來地多工少各村堅不認段實係挾私抗拒並非派辦不公且與東岸居民毫無干涉該御史原奏所稱兩岸居民繁興恐難自係傳聞之誤該道等就王壽益稟准新章量爲變通分別遠近酌撥增減與情允協修守認真現已試辦四年有利無害應令永遠遵循共食保衛理合據實覆陳報聞○葉志超奏奴才進駐平泉州督飭各軍剿捕道匪獲勝各情形業於十月二十九日十一月初三等日先後陳奏在

案蘇於十一月初五日承准軍機大臣傳諭光緒十七年十一月初二日奉 上諭德福奏官軍剿匪獲勝一摺覽奏均悉此次官軍連日剿賊尙稱得手卽著德福葉志超督飭派出各隊節節進剿務期早日殲除毋留餘孽另片奏散罕王旗請兵會剿等語再本日理藩院奏喀拉沁扎薩克郡王旺都特那木吉勒呈報被擾情節大略相同著李鴻章迅飭葉志超分兵馳赴該王旗等處實力防剿認真保護以衛藩服而靖地方等因欽此遵 旨寄信前來 奴才跪誦之下欽悚莫名伏查喀拉沁王旗在平泉州西北二百數十里散罕王旗在州東北五百餘里茲據報知各該處均被匪擾適督臣李鴻章所派銘軍馬隊兩營於十月二十八日馳至當飭該統領副將潘萬才迅卽拔隊由五虎馬梁一帶節節進剿並於建昌獲勝後飛飭記名提督聶士成多帶馬步各隊由葉柏壽一帶節節進剿卽分赴該王旗等處將竄匪掃除各在案現據潘萬才稟報十月二十九日行至中途卽據阿公府胞兄及數員等紛紛求救情詞迫切當令導路前進至甸土地方遙見東北火光四起知賊在榆樹林一帶焚劫相隔七十餘里時已日暮當飭人馬暫住就食派弁同蒙員海元等馳探一面連夜疾馳進剿賊探三名奪馬三匹黎明抵榆樹林據海元等迎報街內步賊約一千七八百名馬賊二百餘名附近各村亦有賊踞賊首係僞王李妖帥並有僞領兵侯孫惠等多名等語探聞兵至堵塞街口放鎗拒敵當卽揮隊奮擊入街短兵相接斃賊一百餘

名該處有當舖一所圍牆兩層高大堅厚幾同營壘賊即退踞其中當督營官都司蔣廣棟等分率勁旅四面圍攻賊以鎗礮抵死抗拒施放不絕礮如雨落血戰兩時之久始毀牆而進鎗擊刀砍將該匪悉數殲除並鎗斃賊馬數十匹奪獲賊馬一百餘匹大礮劈山礮接鎗小鎗刀矛等械五百餘件剝取黃衣十餘件黃令旗箭十餘面其附近各莊踞賊聞信拚命來援馬步約二百餘名經派隊分投迎擊並飭蒙員海元等在後助剿又陣斬黃衣賊目數名擊斃馬賊五十餘名步賊一百餘名奪獲鎗械二百餘件僞教神銅像一箇逆首牌二十箇據蒙員及鄉民指出擊斃馬賊內有僞王李妖師僞領兵侯孫惠楊升張惠王永元等五名查點兵勇陣亡三名受傷六名該副將探聞榆樹林西北五十里西橋頭地方有賊盤踞隨即整隊馳剿又據記名提督聶士成稟稱十一月十三日探聞建昌迤東之梨柏樹一帶有匪首劉懷等糾集黨羽一千餘人在彼盤踞殺掠即督參將葉玉標劉運昌游擊夏青雲等馬步各隊馳往擊剿該匪膽敢列隊迎拒當飭葉玉標步隊居中劉運昌夏青雲馬隊分左右兩翼直前奮擊鎗礮互施鏖戰一時之久擊斃賊匪三百餘名該匪仍抵死不遁遙見大紅帥旗之下有匪首持械指揮當將該逆擊斃匪勢不支始紛紛潰散各隊跟蹤追擊又斃賊一百餘名餘賊越山奔竄時已昏黑未便窮搜計奪獲接鎗三桿烏鎗十餘桿刀矛五十餘件大小車四輛騾馬九十餘匹戰鼓一面旗幟十餘桿令旗兩面上書

劉懷字樣生擒賊匪二十餘人當就軍前正法並訊知劉懷業經鎗斃其點兵勇陣亡二名受傷三名收隊就葉柏壽暫紮確探賊蹤趕緊搜捕並據另稟探聞黑水地方有股匪千餘人踞據該處距葉柏壽約二百餘里該提督擬酌留兵隊搜捕餘匪一面親率馬步馳往擊剿各等情先後稟報前來奴才查榆樹林葉柏壽之匪均係強悍鎗械復多自起事以來蒙部遣其蹂躪不堪言狀潘萬才蘇士成等將該匪剿除後復進至西橋頭黑水一帶雕剿喀拉沁王旗西南地面現可稍安已飛飭該提督等沿途掃蕩分別迅向該王旗等處進發目前有此兩捷平泉建昌等屬要路漸通雖敖罕王旗相隔較遠尙不難轉戰而前奴才自當嚴督將士迅赴戎機以冀早安藩服至口外地勢複岡疊嶂山谷紛歧向爲匪徒出沒之區一有亂萌遂卽乘機竊發際此官軍四集尤當實力搜捕以期盡絕根株上諭葉志超等奏官軍進剿榆樹林等處教匪獲勝情形一摺前因喀拉沁旗等處被賊滋擾諭令葉志超分兵防剿該提督派令副將潘萬才由五虎馬梁一帶逐節進剿十月二十九日行抵榆樹林地方與賊接仗該匪二千餘名堵塞街口抵死抗拒當經都司蔣廣棟分率勁旅四面圍攻鏖戰兩時之久將該匪悉數殄除奪獲馬匹器械甚多附近各莊之賊聞聲來援各隊分投迎剿陣斃黃衣賊目數名擊斃馬步賊匪一百餘名僞王李妖師僞領兵侯孫惠等五名均經擊斃隨令進剿西橋頭賊匪又建昌通東之葉柏壽一帶有匪首劉懷等

率黨千餘人盤踞殺掠本月初三日提督蒞土成督隊進剿參將葉玉標等左右奮擊陣斃匪首劉懷並匪四百餘名奪獲鎗馬車礮旗鼓多件賊衆紛紛敗潰蒞土成現率各隊馳往黑水等處雕剿另股賊匪現在平泉建昌等屬要路依舊疏通辦理尙爲得手仍著葉志超督飭各營將弁乘勝進攻合力兜剿務將竄擾敵旗各股匪悉數殄除毋留餘孽以綏藩服而靖地方○葉志超奏據喀拉沁扎薩克公旗他卜薩那穆吉勒嘉拉布來營稟稱榆林之賊現被剿除大名城一帶已覺平定公府之西寸金溝馬連圖各溝八座堡等處尙有匪徒肆起劫殺又據烏公旗熙貝勒府專差來營報稱距該府四十里之大馬營地方現有賊首趙玉恒聚黨千餘人搶掠勢甚猖狂貝勒府恐爲擾害各請派兵往剿等語奴才查寸金溝一帶距西橋頭不遠當飭參將傅廷臣迅帶步隊數百名於初四日馳往會合藩萬才馬步分投進剿卽飭該營員遵路前進並飛飭記名提督江自康參將韓照琦防禦雙祿等迅由建昌各帶馬步隊馳往大馬營一帶擊剿務將各該處匪黨一律殲除以安衆衆又奏正在繕摺間據距平泉一百四十里之建昌所管高爾砬地方蒙古王祿相林喇嘛等呈報該處所有賊首同僞軍師裴姓等率領數百人在彼燒殺蒙古二百餘人肆行擾害等情前來奴才已派通永練軍兩哨及熱河練軍一哨前往該處會同緝調之山海關練軍現駐湯道河中營管帶記名總兵曾騰芳一同會合剿捕如何情形再行恭摺馳陳報聞

○壬申予故廣東水師提督吳長慶於登州捐建專祠列入祀典○馬丕瑤奏臣於本年五月內以廣西創辦蠶桑已著成效遵旨先行酌保尤爲出力之官紳以資激勵而勵其餘奏奉 硃批覽奏興辦蠶桑尙屬認真著俟通省著有成效核實保獎欽此當經恭錄通行遵照士民聞風而起靡不鼓舞欣現
在日見推廣除桂柘柳慶四府前已先開機坊外其全昌義甯賀縣容縣藤縣潯州府平南貴縣羅城思恩府賓州安定土司鎮安府鬱林州博白北流興業宣化平樂融縣龍州屬等屬州縣先後陸續開機坊以便民間繭絲就近銷售其餘尙多僱匠購機競相則效約計本年自春及秋民間或養蠶五六造四五造出絲或萬斤數千百斤不等多有成效可觀惟自創辦以來各屬紳民或幫同集股或率樹桑或照料開局勤奮出力頗不乏人既未便概行奏保若不加獎勵無以示勸查勘耕務本之老農例得請給八品頂戴農桑事同一律粵西創辦蠶桑事多係舉貢生監好習有爲之士力爲襄辦品較齊民而尚高功視老農而加倍擬請援例分別給予六七八品頂戴惟不時瑣屑陳奏未免煩瑣可否由臣刊印牌照隨時查明實在出力者酌填給領以示鼓勵出自 逾格鴻慈允之○癸酉 上詣 壽皇殿行禮○道光裕恭詣 景陵致祭○以吳元愷爲廣東水師大鵬協副將○德福奏查平泉建昌等處剿匪連日接仗獲勝並據朝陽縣稟報收復情形已經提督葉志超暨奴才先後馳奏在案奴才查朝陽縣前雖據該縣

稟報收復僅止縣街平靖而四鄉賊匪仍多擾亂道路不通尙在督軍進剿查探確實再行續報茲復據該縣知縣廖倫明稟稱於前月二十一日會同奉省練軍統領聶桂林督率兵勇前往剿捕另股合夥在下桃花吐地方盤踞之逆匪我軍分路至該處圍攻賊匪突出列陣拒敵官軍奮勇接戰斃賊五十餘名該匪敗走至上桃花吐聚集悍賊二千餘眾負隅抗拒我軍併力圍殺斃賊數百人生擒三十四名奪獲軍械馬匹無算等情又據稟稱於前月二十五日會同守備千總饒已將趙子溝盤踞賊匪六七百名擊散擒斬一百餘人現在賊勢雖迭經大創惟各處逆匪隨地誘脅尙恐滋蔓奉省練軍爲數無多縣街無城可守仍屬岌岌可危迅請大兵合力剿辦等情前來奴才當即飛咨提督葉志超迅派援軍前赴該縣合力剿辦現准提督葉志超來咨記名提督聶士成等已督兵前進大兵一到自必一律蕩平至平泉建昌以北之榆樹林子等處賊匪一千餘人大名城州判于甫筠帶勇抵敵初猶奮勇死戰後因衆寡不敵全軍盡沒該署州判同時陣亡現經統領副將潘萬才由五虎馬梁一帶進剿於十月二十九日抵榆樹林子地方將該賊匪殲除殆盡現復帶隊前往西橋頭地方剿捕而西橋頭卽係喀拉沁王旗地界前於大兵未到之先由東向西竄出一股約有二百餘人經該王督同輔國公淋沁都爾吉等帶領蒙古鄉勇截擊盡數殺斃逃者僅二三十人現在奴才所派密雲馬隊駐圍馬隊各練軍並續派之熱河步隊均

已齊集該王府地方無虞疏失並嚴飭赤峯縣知縣李鴻猷嚴加堵禦倘該匪等被擊西竄即知會各路官軍合力截剿勿令蔓延爲患各處賊匪屢經懲創自必心寒膽破不難掃蕩熱河地方自開各處獲勝之信民情現極安謐所派各路防剿旗綠各營兵弁均能用命可保無虞至灤平縣屬之老虎溝偏橋子等處教堂已經奴才飭派旗綠各營官兵分往保護理合恭摺具奏報聞○甲戌升奏奏達賴喇嘛仍回布達拉山本利報聞○升奏奏公爾瑪布倫伊惠洛布旺曲因病出缺請將伊子濟克美朗吉承襲從之○奎斌奏拾刦重犯請援照成案仍行就地正法允之○貴寧明州書儒前任慶遠府學訓導黎甲光祿寺署正銜○乙亥命麟霄教習庶吉士○命崇禮洪鈞在總理各國事務衙門行走○以勸捐辦賑予裕祿錢玉興均加一級紀錄三次○緩華陰縣被水地畝應徵下忙錢糧○九馬王瑤奏獎襄辦洋務之編修張方燧○予勸辦工賑積勞病故之莒州知州周秉禮優卹○丙子命裕德汪鳴鑾查勘 東陵 西陵工程○諭溥齡等奏 陵寢儀樹被賊鋸傷請將疏防各員議處並自請議處一摺 孝陵北砂山地方儀樹本年八月二十日夜間被賊斧傷一株殊屬目無法紀著直隸總督嚴飭各州縣並著溥齡等派委旗綠營弁一體嚴拿正法務獲究辦內務府郎中道桑阿員外郎富隆阿主事祿雲疏於防範均著交部議處溥齡英廉亦有失察之咎著一併交該衙門議處餘著照所議辦理該衙門知道○諭前據給事

中張廷煥奏參河南巡撫裕寬人地不宜於地方公事未能整頓當派尙書崑岡侍郎錢應溥前往查辦復據該給事中奏河南尉氏等縣刦案層出該撫裕寬毫無振作各節復經諭令崑岡等纂入前奏一併查覆茲據查明覆奏已故彰德府知府謝祖源並非氣忿殞命已革臨漳縣知縣連印亦非匿報蝗災已故延汀縣知縣郭炳新因虧短交代情急自盡非由後任逼勒已故河南候補直隸州知州徐本華已革東河候補同知秦培委辦河工查無實緣入局情事巡撫裕寬亦無信任家丁等情既據分晰查明均著毋庸置議南汝光道朱壽鏞於練勇誤拿顧桂生身死一案不卽申報巡撫僅將武弁黃全文發縣審辦竊屬疏忽朱壽鏞著交部議處武陟縣知縣賈聯堂於所屬刦案迄無一獲竊屬捕務廢弛賈聯堂著先行交部議處仍勒限嚴緝逸犯署光山縣知縣蔣斌審理案件將原告秦鼎氏責押病斃已屬任性妄爲修理城橋各工並未稟報上司輒卽派捐錢文顯有科斂欺飾情弊臨潁縣知縣孫寶璋勒捐科罰罔恤民艱修理衙署派令募役捐辦尤屬糊塗荒謬蔣斌孫寶璋均著卽行革職似此貪劣不職之員該管上司毫無覺察實難辭咎著吏部查取職名分別議處河南巡撫裕寬於地方應辦事宜尙無貽誤惟本年夏間信陽等處百姓因訛言驚徙並無拿人激變互相殺傷之事該撫於查明後不卽具奏亦有不合裕寬著交部議處唐縣袁譚鎮設卡稽查試辦之初商民不免阻撓現在業已相安仍著該撫督飭局員隨

時體察輿情妥慎辦理毋任再滋事端河南盜風本熾游兵散勇所在勾結該撫務當嚴申禁令督飭地方文武及留防各營實力查拿嚴行懲辦如果稍有懈弛卽著分別撤參餘著照所議辦理該部知道○
丁丑 上諭 醇賢親王圖高行周年大祭禮釋服○葉志超奏奴才前派馬步各隊剿平榆樹林子葉柏壽等處踞賊各情形業於本月初七日具摺馳奏聲明嗣將潘萬才卽赴西橋頭一帶搜剿等因在案茲據潘萬才稟報本月初二三等日探確西橋頭之賊聞官軍獲勝退併毛家窩鋪一帶起事之處合力踞守並據阿公府以賊勢猖獗派弁乞援隨於初四日帶隊馳往該處兩莊毗連重垣複壁固如營壘背山面河甚得地勢莊前排設大礮並撥鎗八九十根豎立僞帥紅黃大旗踞有各處馬賊三百餘名合道匪馬步共有二千餘人據爲巢穴冀固死守一聞兵至卽列隊以待官軍排隊前進賊燃大礮相拒煙礮衝天天子如雨集○數十里當飭營官蔣廣棟潘萬鍾督率各哨官等分爲三路以一路攻其中堅左右兩路包抄橫擊並派隨營幫辦分省補用知縣汪鵬蒙員海元等各帶馬隊蒙兵隨後助剿以壯聲威賊衆我寡鎗礮復多鏖戰頗久當飭弁勇下馬步戰督令奮力直前有進無退又力戰一時之久官軍勇氣百倍殺賊甚多並擊斃賊目多名賊始披靡退至莊內憑牆死拒弁勇三面攻擊當將賊巢擊破陣斃傷戰之逆目僞大王趙金貴徐小枝及僞領兵侯陳忠等十餘名又陣斃竄來之馬賊三百餘名生擒帶傷

之僞大王劉獻堂一名步賊五百餘名擊斃賊馬六七十匹奪獲大砲樓鎗八十餘根馬鎗二百餘桿賊馬三百餘匹旗幟刀矛無數查驗劉獻堂受傷甚重未能解送適有陣亡州判于甫節之子于沖河因痛父情急自願隨隊擊賊知伊父死於劉獻堂之手泣求明正典刑免逃顯戮該逆本難久活遂卽正法梟示餘賊俟訊明後再當分別辦理總期剿撫兼施不敢濫殺查點我軍戰馬被賊擊斃五十四匹弁勇受鎗毆傷十八名內隊長邢萬長等三名子皆逸骨受傷尤重現今趕緊分別醫治又據續報收隊後派騎四出與賊覓確探賊蹤後探悉榆樹林子起事賊首之王廷照宋學智宋洛大三名當官軍進剿時因先期率黨出掠未被殲除現糾衆潛踞二十家子地方伺隙竄動該副將恐其聞風逃竄卽一面派隊由東南東北兩路向杜家窩鋪進發於初六日黎明時掩至二十家子地方出其不意將該逆王廷照宋學智宋洛大一併擒獲飭據海元等認確實係起事頭目卽於訊明後正法其餘從之衆概令保釋現在平泉西北喀拉沁王旗中旗地面漸已平靜各等情先後稟報前來奴才查此股逆匪人數既衆鎗砲復多又勾結馬賊多名就險要地勢踞以爲巢逆賊汪熾當其四出焚掠各處匪徒響應喀拉沁王旗一帶誠覺岌岌可危此次痛剿後該王旗中旗等處均可粗安奴才擬於拜摺後察酌情形向東北一帶進發就平泉建昌赤峯朝陽等適中之處駐紮以便督飭各軍節節進剿冀可早日蕩平又奏前據建昌縣屬高爾

砵等處蒙古喇嘛等呈報匪首倭等集約數百餘人在該處一帶燒殺等情當經派隊馳往會合調防湯道河之記名總兵曾騰芳實力兜剿附片奏明在案連日疊據曾騰芳暨派出之副將楊元昇佐領全齡等稟報湯道河之東及建昌迤南一帶爛泥溝蓋子溝柳條溝及南北等處迤邐至高爾砵一帶山崇嶺峻溝澗重谷深林密菁之中多有匪徒盤踞十月二十九日曾騰芳探明爛泥溝賊巢即乘夜越山掩擊鎗斃賊匪二十餘名生擒四十餘名餘匪向蓋子溝一帶逃竄奪獲鎗烏鎗旗幟刀矛多件起獲金丹道盟簿符咒等件訊明著名賊匪八名即就軍前正法餘交鄉社暫押另辦初二日黎明抵蓋子溝賊已聞信竄往北山旋令土民導路分隊登山瞭見深谷有炊烟透出知係賊巢即往剿捕擊斃賊二十餘名生擒帶傷者二十餘名內有匪首于剛綽號于大力供認在高爾砵等處殺掠當即正法焚燬賊巢草屋十數間奪獲刀矛十七件烏鎗八桿隨於初三日帶兵進剿柳條溝金沙溝一帶賊巢鎗斃賊匪十餘名奪獲騾馬五匹餘匪向三官廟一帶逃竄適楊元昇全齡等帶隊馳至正在會商間適喇嘛鮑忠報稱二十家子匪首林玉山與軍師宋先生暨僞平西王倭之子倭老耗等被官軍擊敗竄至高爾砵一帶與三官廟道士吳廣生之黨相會約有一百餘人現與太平鄉社互相攻打等情隨令導路前往該社團勇勢正危急官兵排鎗齊擊鏖戰一時之久斃賊約一百餘名吳廣生等集其死黨退入三官廟踞守

兵勇四面圍攻將該匪等悉數殲除高爾磴一帶現已平靜並另據甯帶練軍馬隊總兵蘭福喜稟報在建昌附近將佟傑拿獲交縣訊辦各等情前來奴才查高爾磴在建昌西南與湯道河相近現為官軍後路頗有山險可據該處賊既殲除即無後顧之慮除飭曾騰芳妥為搜剿餘匪並令全齡等帶隊回營另行調遣外所有高爾磴一帶賊匪現已次第殲除緣由理合陳明 上諭葉志超等奏官軍進剿毛家高鋪賊匪獲勝暨剿除高爾磴一帶賊匪各摺片本月初二三等日西橋頭之賊退併毛家高鋪一帶糾合道匪共有二千餘名負固死守初四日經副將潘萬才飭營官蔣廣棟等率隊分路攻擊殺賊甚多並擊斃賊目多名賊始退入莊內憑牆抗拒官軍復三面攻擊當將賊巢擊破陣斃偽大王趙金貴徐小枝及偽領兵侯陳忠等十餘名並馬賊三百餘名道匪一千餘名奪獲鎗礮馬匹旗幟無數並生擒偽大王劉獻堂正法為示復於初六日在二十家子地方將起事賊首王廷照宋學智宋濟大三名一併擒獲均經訊明正法又建昌縣屬高爾磴等處匪徒盤踞經總兵曾騰芳等率隊在爛泥溝章子溝及三官廟各地方迭次獲勝斃賊多名並起獲金丹道照簿符呪等件生擒匪首于剛及著名賊匪八名均已正法並將道士吳廣生一股悉數殲除又據總兵蘭福喜稟報在建昌附近將偽平西王佟傑拿獲交縣審辦高爾磴一帶現已平靜剿辦甚為順手仍著葉志超督飭各營將弁乘勝進攻合力兜剿毋留餘孽以靖地方

○定安裕祿奏熱河朝陽縣匪滋事前經奴才等將派隊剿接仗情形暨探聞北路附近新立屯哈拉套力改等處外亦有股匪焚殺搶擄該處切近奉省旗營新民廳所屬之彰武臺門至哈拉套力改新立屯以及庫倫街一帶防剿堵擊於十月二十九日恭摺馳奏在案茲於十一月初三初七等日據記名總兵張永清稟報該總兵於二十八日行抵新立屯探得近邊界之朝北營子一帶有賊竄擾當卽會同東邊馬隊營官候補遊擊尤得勝及在新立屯駐紮之奉軍營官候補遊擊楊建德帶領馬步各隊趕往迎擊時該處居民業經逃避該匪等佔踞燒鍋窩舖之內當率各軍分布環攻該匪等抵死抗拒自辰至午攻打兩時之久殲除甚多賊勢不支有紛紛逃竄者有恃當鋪院牆高固佔踞護院高臺拚命抗拒者一面撥隊分路追擊逃匪一面派隊力攻佔踞當鋪高牆之賊時已昏黑見賊堅拒不出馬隊哨官楊建勝哨長徐綬廷率軍步隊哨官黃占標李國勝各帶兵五十名潛勇從圍牆東西兩隅覓地攀登而上該總兵與尤得勝分投督隊一時鎗聲並發四面交鋒撲上高臺賊乃紛紛下竄各隊殺入院中鎗聲刀砍擒斬賊匪二百餘名逃出餘匪無幾其先時逃散之賊亦經楊建德與哨長韓起發郝營陞等督率馬隊追蹤將擊斃賊一百五十餘名至四更後始行收隊計先後擒斬約共一千餘名奪獲鎗礮鐵鼓等物九十餘件騾馬二百餘匹查點我兵陣亡馬兵四名受傷十名步隊受傷四名該總兵等復加搜捕朝北營子

一帶已無賊蹤復行督隊前進探剿於十一月初三日行抵五家子北二十五里有蒙古人報稱照樹溝地方現有匪首李洛道聚匪百餘名在彼盤踞該總兵當與東邊步隊營官遊擊銜補用都司張兆熊督隊分東西兩面攻打自申至戌始將外門攻開賊眾奔潰各隊兵勇爭先奪擊殺斃賊匪二十餘名其未逃出之賊猶從窗隙暗中放鎗當將外存柴草點燃用火攻擊燒斃賊三十餘名並搜獲首犯李洛道及前在朝北營子敗竄賊匪四名奪獲刀鎗旗幟等械三十餘件並在各屋搜獲婦女五十餘口訊據李洛道即李教明供稱住居邊外照樹溝南四五里之石佛溝地方廟中向用五聖道工夫又名學好已三十餘年現在勾結朝陽縣匪徒由照樹溝赴朝北營子等處竄擾朝北營子敗後仍想招夥竄匿圖再舉各情不諱該總兵於訊明後即將李洛道等在軍前正法所有搜出婦女訊皆被賊搶掠而來均係附近居民分別妥遣回家現在北路邊界人心漸臻安定仍當加意嚴防搜捕餘匪並再向前捕剿其搜剿朝陽之隊接據總統豐陞阿先後來電該總統於十月二十五日行抵義州清河門卽據佐領依桑阿將前在大廟打仗所獲賊目陳洛溟道士盛信滄等二十名並陣獲旗幟印馬匹刀械等件呈送到營當經訊明將該犯等於軍前正法後該總統卽帶同盛字營馬步各隊並吹鳳鳴所部各軍由大廟貝子府

一帶探剿附近零星股匪均皆聞風逃散沿途搜剿殲斃賊匪一百三十一名並獲匪首潘岳淋一名現仍分營各隊四路巡緝又據桂林稟稱前報赴西官營子追剿匪等見官軍追至分向西竄該總兵追至興隆窪陣斬賊匪一百四十五名餘匪潰奔敵手營子竄入小八溝地方二十七日該總兵帶隊趕上匪徒列陣回戰該總兵分隊夾攻又鎗斃賊六百餘名生擒賊目侯可均一名奪獲鎗刀旗幟二百餘件馬一百餘匹查點我軍陣亡馬兵一名受傷十六名現仍赴四家子一帶追剿並將所獲之匪目侯可均就近解送錦州府訊辦各等情前來奴才等伏查邊外皆蒙民雜處之地據各處稟報此等匪徒以在理等教誘惑愚民散布村落藉稱與蒙古有嫌凡遇蒙古人及喇嘛廟宇無不燒殺搶燬而於民人則但圖裹脅且稱相從入教則從此不受蒙古欺侮愚民無知畏害以致被其誘脅者甚多奴才等現飭派出各軍務須查明首要悉力殲除仍於剿捕之中隨處曉諭愚民解散脅從俾免煽惑誘聚並飭於經過蒙古地方加意撫綏毋致蒙古與民人再啟猜嫌以靖邊圉現聞直隸官軍已抵平泉建昌一帶進剿仍當飭令奉省各軍互相知會會合兜拿以期迅速殄滅其竄桂林獲解之匪目侯可均現據署錦州府知府福培訊據該犯供明在匪徒王惠明名下充當謀士勾引愚民入教同到敖罕貝子府燒燬房屋殺斃喇嘛多名搶掠財物各情與前桂林所報在營訊供相符已稟由奴才等批飭將該犯正法前後打仗獲勝吳

常出力各員弁兵丁由奴才等分別存記彙請獎敘並俟各有續報再行隨時具奏 上諭定安奏官軍擊散朝陽寇匪續獲勝仗一摺熱河股匪前在朝陽縣界滋擾經定安等派出各軍會剿疊次獲勝該匪竄至朝北營子一帶佔踞經總兵張永清等於本月初三初七等日督飭馬步隊進剿擒斬千餘名復乘勝進剿照樹溝賊匪生擒匪首李洛道卽李教明正法北路邊界人心安定統領恩陞阿由大廟貝子府進剿擒獲賊目陳洛溪道士盛信滄等二十名正法沿途殄斃賊匪百餘名並獲匪首潘岳淋一名仍分督各隊四路巡緝總兵赫桂林追賊至興隆澤等處斬賊一百四十五名復分隊攻擊又斃賊六百餘名生擒賊目侯可均訊明正法各隊剿辦情形均屬得手仍著定安裕祿等督飭諸軍會合直隸官軍迅速進剿務將各股竄匪悉數殄除毋留餘孽所有打仗出力各員弁著該大臣分別存記彙案奏請獎敘該部知道○定安等奏奴才裕祿接據東土默特旗扎薩克達爾罕貝勒色陵那木吉勒汪寶呈稱該貝勒於本年十月十九日突聞旗屬紅帽屯地方有賊千餘人由朝陽縣竄出搶掠人民焚燬房屋勢甚猖獗當卽率領蒙古官兵二百人前往迎剿與賊接仗三時之久蒙古兵傷亡六十餘人二十日復整隊迎敵攻擊半日雖斃賊二十餘人而賊眾兵單蒙古兵又傷亡一百餘人眾寡不敵力難取勝因攜帶印信率領餘兵二三百人退至馬兒營子卽具文呈報理藩院熱河都統及盟長等處詎送文兵弁又皆在路被

賊殺害並探聞十九日賊匪分股將該貝勒住宅佔踞所屬境內已佔三分之一房屋廟宇軍糧盡被焚燒該旗所管官員兵丁除殺賊傷斃外餘皆逃散不知所往該貝勒本擬親赴熱河求救奈相距八百餘里道路梗塞不能前進不得已奔至奉省請兵援剿並請該貝勒今歲正值年班現在患難之際無力赴京當差懇請據情代奏等情前來奴才伏查該東土默特旗在熱河朝陽境內與奉天邊界之治河白土廠等邊門相近奉省現已派撥馬步各隊赴彼援剿應飭各軍會同直隸官軍節節兜擊實力剿除應飭該貝勒將該旗逃散蒙古人民妥為招集安撫毋任流離失所至該貝勒屬境突遭土匪竄擾猝不及防所稱賊多兵少迎擊未能獲勝該貝勒住宅被賊劫掠蒙古人民逃散現值年班無力進京各情奴才詳加查核均係實在情形理合據情代奏仰懇 天恩准將該貝勒色陵那木吉勒汪寶本年年班免其進京以示體恤之處出自 鴻慈特 旨色陵那木吉勒汪寶著免其本年年班以示體恤該衙門知道○戊寅李鴻章王文韶譚鈞培奏雲南邊界電綫議與越南法綫相接經 鴻章於光緒十四年十一月奏奉 批旨允准在案查東海關道盛宣懷與法領事林椿煙登原議條約內開蒙自一路俟奏准後十八箇月內再接扣至十六年四月已屆接綫之期先經 鴻章與 譚鈞培往返電商派委辦理雲貴電報局事務道員用留滇補用知府李必昌督同司事等先行查勘綫路並由滇就近派員採辦應需料物嗣據

李必昌稟稱紅河一帶三月以後瘴癘盛行必須趕緊開工以便如期互接當於二月十一日由蒙自掛
纜暨桿節前進四月初二日一律竣工與越南保勝法纜相接業經臣等將在工出力員弁銜名咨部
立案茲據李必昌開列清單稟請援案奏獎前來臣等查蒙自至紅河東岸至保勝地勢險峻樵牧不經
山徑茅村虺蛇盤結人煙絕少瘴毒最深李必昌奉文踏勘隨帶洋司事占巨燭燭燭與一路砍伐榛莽
鑿險通幽始克將纜路查勘明確此特立桿掛纜之始事而艱苦情形已難盡述迨勘路甫完而限期已
迫卽經總理衙門催辦自應按照約章如期興作幸應用料物先經派出員弁分起購求或涉重洋或經
邊塞疲憊洵涉路徑崎嶇其搬運之難視尋常萬倍而尅期屬至不誤要需於是擇日興工分段修造仍
照約扣至四月內與法纜相接連時日彌形促迫李必昌監督工匠不分晝夜併力兼營自開工以至竣
事計期未及三月溯自中國創設電纜以來各行省經營備至而工程所在往往境異則力殊事難則功
倍是以滇省前辦銅騰兩案經臣文韶臣鈞培等先後援照粵省成案擇尤彙報均奉 硃批著照所請
欽此此次紅河接纜經中外訂約在先萬一愆期卽爲失信所有在工人員辛勞艱險按限程工實屬異
常出力與歷辦工程不同且當竣事伊始卽有剿辦游匪魏名高之役消息既靈事機無誤適得電報之
力核與部定章程接遞緊急軍報准照異常勞績請獎之例亦屬相符臣等往返電商意見相同謹擇其

尤爲出力員弁分別異常尋常繕具清單恭呈 御覽合無仰懇 聖慈俯念極邊煙瘴中外接綫在工人員微勞足錄查照歷屆成案准予獎勵以昭激勵出自 逾格恩施得 旨著照所請該部知道單併發○劉坤一奏江甯縣已故舉人汪士鐸研經博物學問淵通平居操行清峻避聲氣利祿若澠晚節益勵造次弗渝環堵蕭然著書終老光緒十一年間前江蘇學政臣黃體芳查取江蘇續學之士檄飭各學搜求遺籍將該故舉人所著各書一併咨送 國史館備查並奏稱該舉人汪士鐸貞固絕俗博雅冠時是年十月初七日奉 上諭舉人汪士鐸篤志潛修績學不倦允宜量予獎勵以資觀感著賞給國子監助教銜等因欽此該故舉人汪士鐸勵志力學仰邀 天語褒獎實爲儒生稽古之榮茲據江甯紳士翰林院庶吉士葉文銓等稟稱該故舉人於光緒十五年七月初七日在籍病故臚陳事蹟稟請具奏前來臣查汪士鐸秉承家學自幼篤嗜近思錄躬行實踐忍苦淬勵蔚爲儒宗道光二十年庚子科舉人爲前湖北巡撫胡林翼典試江南所得士重其學行敬禮殊優其爲學大旨在根柢經訓貫穿古義以達諸禮教政治期有益於實用而不屑空言於諸經皆有講釋尤邃三禮宗績溪胡培壺之學所爲禮服記儀禮鄭註今制疏證喪服經傳補疏具有典據足補宋元以來註釋家所未備尤致力於輿地之學所著水經註釋文采華繁富者據精博洵發前人所未發生平著述有南北史補志三十卷表一卷水經註圖二卷

附漢志釋地略漢志志疑各一卷文集十三卷詩詞集二十一卷筆記六卷續纂江寧府志十五卷同治
上元江寧兩縣志二十九卷其平日隨筆纂述考核精確未經編錄成帙者尙不下數十萬言至其律已
教人一以踐履篤實爲本無驚外無近名無漢宋門戶之見前道光二十五年主講續纂東山書院仿宋
儒胡瑗經義治事課程分立齋課因材訓迪士林翕然宗之咸豐九年前湖北撫臣胡林翼以禮延聘至
鄂凡所諮畫多裨時局忠愛之忱溢於文詞江寧省城克復後該故舉人伏處里閭杜門撰述橫經傳業
雖然爲東南師表前督臣曾國藩屢造其廬固請乃見與之考訂名物訓詁典章制度莫不提舉鉤元折
衷至嘗曾國藩歎爲通儒臣昔年承乏兩江挹其言論丰采心焉敬之該故舉人律身甚嚴待人甚恕安
貧樂道無間終身綜其生平清德模行好古潛修實爲近今罕有我朝名儒輩出如顧炎武閻若璩惠
士奇顧棟高均卓然成一家之言該故舉人博學通經德益劬抗懷希古繼軌前賢該紳士葉文銓等
聯舉事實合詞籲請足徵士論之公可否仰懇 天恩俯准將已故舉人汪士鐸學行事實 宣付史館
列入儒林傳以爲窮經砥行者勸 上諭劉坤一奏請將耆儒宣付史館立傳一摺江蘇江寧縣已故舉
人汪士鐸爲志潛修於光緒十三年間經前任江蘇學政黃體芳奏保賞給國子監助教銜該故舉人操
行清峻博學通經主講安徽東山書院士林矜式著准其宣付國史館列入儒林傳以爲窮經砥行者勸

該衙門知道○己卯諭會場衙門奏倉廩不戒於火分別參辦一摺據稱本月十六日夜間海運倉失火延燒呂字空廩當卽撲滅請將該監督議處並自請議處花戶人等送部訊究等語海運倉不戒於火延燒廩庫其中有無情弊亟應澈底根究所有該管花戶人等著交刑部嚴行審訊務得實情按律懲辦監督孫汝漳宗韶疏於防範著交部分別議處昨麟許應麟著一併交部議處餘著照所議辦理○庚辰富勒銘額奏請將伊犁知府移駐惠遠城下部議奏○辛巳予捐助順直賑記名提督劉維楨優敘○定安裕祿奏熱河朝陽匪徒滋事前經奴才等將擊散圖竄奉省北路邊界股匪暨在朝陽界內搜剿各隊續報接仗情形於十一月初十日恭摺具奏在案茲於十一月十二日接據總統監陞阿報稱該總統前於拿獲匪首潘岳淋訊據供有該股東竄各匪均約會聚於黑城子地方該處本有土城匪等復加修築以圖久踞各情當經一面將該犯潘岳淋解省一面帶領各軍馳往剿辦初九日抵朱力各支將兵分爲三路派盛字營右翼馬隊佐領依桑阿會同奉軍候補副將程楠森帶領馬步隊由南路進剿盛字營左翼馬隊佐領常恩會同奉軍記名總兵耿鳳鳴帶領馬步隊由北路進剿該總兵親督盛字營右翼統領協領德源營官佐領依凌阿開復協領音登安及營務委員陳斌希蘭都等帶領鎮白鎮藍兩旗步隊官兵丹由中路進剿初十日寅刻齊抵黑城子見該處舊有土城經匪等修理甚固城之東南兩面安有砲

臺臨城左近自蒙古王府收租地局房屋一處亦皆被賊踞守以備抵禦官軍我兵先攻土城外分踞之賊隊伍將次臨近該匪鎗聲齊發各官弁兵丹奮不顧身直前撲剿立斃賊匪二三百名該匪力不能敵紛紛退進土城仍敢與城內之賊齊在城牆以上施放鎗礮列隊拒敵陳楠森率隊首先登城奪獲礮臺各隊同時繼進鎗斃賊匪四五百名匪等退敗復奔守員子府迤東寬潤公所該處院落牆垣高大內築有礮臺兩座仍然踞上放鎗拚死抗拒該總統當督德源耿鳳鳴陳楠森等各率步隊由東北西三面圍繞攻打並派兩翼馬隊在城四外巡查以防逃竄由卯至未攻擊四時之久賊勢不支陳楠森復帶隊越牆將礮臺奪獲各隊悉力攻進又鎗斃賊二三百名城內各屋窩藏之賊亦經各隊夾攻擊斃無數該總統帶隊生擒匪首于發等四十一名程楠森帶隊生擒王振芳卽王洛師等二十七名耿鳳鳴帶隊生擒夥匪一名其由黑城子西門逃出賊四五十名亦經馬隊追殺多名所餘二三十名向黑山口逃逸統計是月先後殲斃賊匪一千餘名生擒六十九名查訊此股逆首張盡先卽張洛師已死亂軍之中認明屍身身首懸示所獲之王振芳卽王洛師身受重傷與生擒各匪一併車前正法在新爾色地方馬首示衆搜出婦女三十餘口訊皆附近良民被賊裹脅均令各找妥人保送回家陣前奪獲鎗礮旗幟無算馬四十餘匹陳楠森所部受傷哨官趙雲生一員步勇一名盛字營練兵受傷一名均飭妥爲調治賊巢平燬

後匪徒已殲盡大股餘賊逃竄無多現仍加意搜捕並督飭各軍再行向前探剿其肅桂林在朝陽援剿之隊據報十一月初五日追至四家子地方餘賊聞風奔竄該總兵督率馬步各隊於初六日追至大障子地方有馬步賊二百餘名列陣以待先行開鎗我兵奮勇攻擊約一時之久賊力不敵退入該村牆內負隅死拒我兵跳牆攻進賊又退入佛堂我兵得手即將佛堂焚燒計陣斃頭目王廷瑞于廷順二名生擒三十餘名當即陣前正法奪獲旗械多件賊馬八十餘匹此股剿除淨盡現仍前往各處探剿其記名總兵張永清捕獲賊首李洛道即李教明正法後搜捕餘匪據報復於十一月初五日在石佛溝地方拿獲在朝北營子擊敗逃竄匪首于振聲韓永桂即韓達子並夥匪韓永起等大名訊各供認均在數罕貝子府夥同搶殺各情不諱當在軍前正法該總兵即帶隊赴哈力套改庫倫一帶查探剿捕各等情前來奴才等伏查黑城子地方距奉界之清河邊門一百餘里此股匪徒前經奪踞蒙古貝子府就原有土城重加修築安設礮壘意圖據爲巢穴經總統豐陞阿統帶各軍奮力攻擊殄除首要多名立將賊巢攻毀餘賊脫逃無幾剿辦甚爲得手其肅桂林張永清等軍亦均續報獲勝斬擒首要各犯奉天邊外東北一帶漸次肅清刻下直隸官軍由建昌平泉分路進剿仍當督飭奉省各軍由朝陽東北兩路節節前進會合夾擊現奉軍統領左寶貴已由義次調回由彰武臺門出邊馳赴軍前並飭該統領督帶所部各隊與

鹽陞阿相機併力迅速剿辦至鹽陞阿前獲賊首潘岳淋於十一月初九日派員解送到省訊據該犯供因砍伐山木素與蒙古積有嫌怨於十月間入教匪齊洛道即齊保山黨內夥同燒搶斃員子府復與齊保山黨竄聚省邊界在朝北營子拒敵官兵被擊敗散齊保山經官軍在阻殲斃該犯受傷脫逃被獲各情不諱已由奴才等飭將該犯即行正法除此大獲勝出力員弁仍由奴才等分別存記外所有援剿各隊攻克賊巢殲擒首要各緣由謹會同恭摺由驛馳陳 上諭定安裕祿等奏官軍剿賊獲勝情形一摺朔陽匪徒盤踞縣城子地方本月初十日經裕祿鹽陞阿副將程楠森總兵耿鳳鳴三路進攻擊破賊巢餘賊退踞員子府公所抵死抗拒復經官軍奮勇進攻先後生擒匪首于發等暨王振芳即王洛帥等九十名殲斃一千餘名其大障子地方匪徒亦經總兵蕭桂林進剿獲勝陣斃賊目王廷瑞于廷順二名生擒三十餘名總兵張永清亦在石佛溝拿獲千拔聲韓永桂即韓遠子等正法即飭該大臣等乘此聲威飭令派出各軍會同直隸官軍迅將餘匪搜除淨盡毋留遺孽餘著照所議辦理該部知道○壬午大祀 天於 圓丘 上親詣行禮○遣奎斌等分詣 各陵致祭○癸未以解清京餉予陳彝沈秉成阿克達春均加一級○諭軍機大臣等葉志超奏官軍連戰皆捷現由東北一路進掃賊巢並三家子地方獲賊獲勝情形各摺片覽奏均悉各股匪徒經官軍擊敗後分路竄逸赤峯縣城東南西三面不下十餘

起又有馬賊千餘人窺至烏丹城佔踞貝子府經副將潘萬才等會同進剿迭獲勝仗黑水一帶之賊竄回喀拉沁渾經提督蒞士成在疎勒科一帶接仗獲勝跟蹤追剿將逆首王殿發李坤擊斃奪獲鎗器械甚多餘賊竄併下長皋現在派隊向楊家灣抄擊斷賊接濟辦理尙合機宜建昌以南地方業已租安平泉後路現調吳育仁一軍駐紮復據李鴻章奏添派副將呂本元等率領馬隊五營馳往助剿聲勢尤壯卽著葉志超身臨前敵激勵衆心分派各路將領四面兜擊務將各股匪徒迅速殄除毋任勾結竄擾一面出示解散脅從以孤賊勢仍將辦理情形隨時具奏用慰廑系○甲申以唐景崧爲福建臺灣布政使○吏部奏內閣鈔出光緒十七年十一月十六日奉 上諭前據給事中張廷燦奏參河南巡撫裕堯人地不宜於地方公事未能整頓當派尙書崑岡侍郎錢應溥前往查辦嗣據該給事中奏河南尉氏等縣劫案層出該巡撫裕堯毫無振作各節復經諭令崑岡等歸入前奏一併查復茲據查明復奏南汝光道朱壽鏞於隊勇誤拿顧桂生身死一案不卽申報巡撫僅將武弁黃全文發縣審辦實屬疏忽朱壽鏞著交部議處武陟縣知縣賈聯堂於所屬劫案迄無一獲實屬拙務廢弛賈聯堂著先行交部議處仍勒限嚴緝逸犯署光山縣知縣蔣斌審理案件將原告蔡熊氏資押病斃已屬任性妄爲修理城橋各工未稟報上司輒卽派捐錢文顯有科歛欺飾情弊臨穎縣知縣孫寶璋勒捐科罰罔恤民艱修理衙署派令

群役捐辦尤屬糊塗荒謬蔣斌孫寶璋均著卽行革職似此貪劣不職之員該管上司毫無覺察實難辭咎著吏部查取職名分別議處河南巡撫裕寬於地方應辦事宜尙無貽誤惟本年夏間信陽等處百姓因訛言驚徙並無拿人激變互相殺傷之事該撫查明後不卽具奏亦有不合裕寬著交部議處等因欽此欽遵交出到部除署光山縣知縣蔣斌臨潁縣知縣孫寶璋均卽革職並查取該管上司各職名分別議處之處臣部恭錄 諭旨先行知照該撫欽遵辦理外查律載凡不應爲而爲之事理重者杖八十公罪降二級留任又事應奏而不奏者杖八十係公罪降二級留任又定例五城竊犯未經照案緝拿之先按限將防捕提比其坊官有廢弛怠玩者降一級調用私罪等語此案據查辦事件大臣查明覆奏欽奉 諭旨河南南汝光道朱壽鏞於隊勇誤拿顧桂生身死一案不卽申報巡撫僅將武弁黃全支發縣審辦實屬疏忽著交部議處武陟縣知縣賈聯奎於所屬劫案迄無一獲實屬捕務廢弛著先行交部議處仍勒限嚴緝逸犯河南巡撫裕寬於本年夏間信陽等處百姓因訛言驚徙並無拿人激變互相殺傷之事該撫於查明後不卽具奏亦有不合著交部議處等因應將河南南汝光道朱壽鏞照不應重杖八十公罪律降二級留任例議以降二級留任河南巡撫裕寬照事應奏而不奏杖八十公罪律降二級留任例議以降二級留任武陟縣知縣賈聯奎比照坊官廢弛怠玩降一級調用私罪例先行議以降一級調

用係私罪無庸查級抵銷查賈聯堂業經撤任並勒限嚴緝逸犯俟限滿有無獲犯再行照例分別核議至朱壽鏞裕寬應得降二級留任處分均係公罪例准抵銷可否准其抵銷之處恭候 欽定 上諭吏部奏遵議處分一摺河南巡撫裕寬南汝光道朱壽鏞應得降二級留任處分均著准其抵銷○乙酉以降清十兩新餉予各省督撫司道瑞璋等獎敘有差○予故記名提督廣東瓊州鎮總兵陶定昇優卹事蹟交國史館立傳附祀安徽甘肅等省會國藩左宗棠劉松山祠○成都將軍岐元卒卹卹如例○諭軍機大臣等理藩院奏蒙衆被擾懇恩賑濟一摺喀拉沁旗突被匪徒竄擾蒙民顛沛流離殊堪軫念著戶部撥銀三萬兩解往熱河交奎斌遵派委員會同該郡王旺都特那木濟特妥爲撫卹○丙戌展兵丁等借支庫銀應扣恩銀兩月○前任正紅旗護軍統領長春卒卹卹如例○以立山爲正白旗漢軍副都統○以練兵著效子芬車文秀色普徵頒福森布均加一級紀錄二次○崧蕃奏興義府屬被水成災飭屬妥賑請免徵秋米九十七石有奇報聞○戊子訓恭壽爲成都將軍以榮祿爲西安將軍○錢桂琛奏院省爲文獻之邦鴻儒碩彥代不乏人其束修自好之士砥行力學聞達不求亟宜仰籲 褒嘉俾資激勵臣按試所至留心採訪查有太平縣舉人孫璧文品端學粹孝友性成居賤食貧澹於榮利專以經史自娛生平著述甚富最著者爲新義錄攷古錄二書新義錄一百卷攷古錄十卷均能貫穿經籍綜核名實

洵不愧爲好學深思而氣節過人遇有地方要務事關大局者見義必爲尤以保全名節培植寒畯爲汲汲以故里黨咸敬重之該舉人甫於光緒十三年身故跡其嘉言懿行實卓然可傳又合肥縣恩貢生李聯奎志潔行芳躬求實踐孝友敦睦人無間言平日篤守宋儒之學動履規繩不苟言笑生平足跡不入官府其教授鄉里必以立身植品爲先而文藝次之同治初年會膺孝廉方正之舉前學臣朱蘭復以品學兼優力敦實行登諸薦牘而該貢生靜退自怡淡於仕進閉門養病條然城市之外論其行誼實能爲行誼守足以風勵薄俗以上二人均經該縣在籍紳士聯名呈由該處地方官臚敘事實詳報前來伏查歷任學臣奏舉薦學書儒籲懇 恩施迭蒙 賞給京職各銜今太平縣舉人孫繼文學有本原明體達用合肥縣保舉孝廉方正貢生李聯奎品端學邃操履潔清均堪矜式士林未便聽其湮沒合無仰懇天恩將已故舉人孫繼文應如何 特加追獎孝廉方正貢生李聯奎應如何加 恩獎勵之處出自聖裁又奏內閣中書銜太湖縣教諭汪潤烈品端性粹學有淵源太平府訓導曹環持躬嚴謹課士精勤嚴飭同知銜揀選知縣青陽縣訓導周寶學有根柢守潔才優俱爲皖省教職中出色之員可否仰懇天恩將中書銜教諭汪潤烈 賞加五品銜訓導曹環 賞給國子監學正銜其同知銜訓導周寶一員已由舉人揀選知縣應如何 恩施獎擢之處恭候 聖裁 上諭錢桂森奏薦舉經明行修之儒懇恩

獎勵一摺安徽已故太平縣舉人孫豐文合肥縣保舉孝廉方正恩貢生李聯奎均著賞給光祿寺署正銜另片奏教官學行卓著請有獎敘等語內閣中書銜太湖縣教諭汪潤烈著賞加五品銜太湖縣訓導曹瓊著賞給國子監學正銜同知銜陳選知縣青陽縣訓導周質著交部議敘○鹿傳霖奏查陝西涇陽縣學宮自同治元年回亂被燬中間暫拆廢寺村屋搭蓋大成殿一座始既因陋就簡久而益見傾頽節經該官紳等建議籌修而費鉅工艱民貧地瘠道謀築室終於無成光緒十一年據該縣婦吳周氏率子念普稟請遵其故翁二品封職布政使銜前湖北候補道吳蔚文故夫前候選郎中吳聘遺囑情願獨力捐修稟由該氏自行擇人經理由該前縣稟經批准立案即於十一年五月動工至十六年八月落成自宮牆殿廡以及池亭祠宇樓坊各鉅工一律興修完固復升高展寬地基各五六尺不等巍峨壯麗輪奐一新工料經費共用銀四萬七百八十五兩有奇聲明係屬自捐自辦實支實銷不耗公款一錢不用官中一役請免造冊報銷亦不敢仰邀議敘等情報經委員會縣履勘委係工料堅實出具勘估切結由藩司張岳年核明詳請具奏前來臣查該婦吳周氏守節八年現年二十三歲嗣子念普年甫八齡當光緒十一年稟請捐辦之時特十六齡一弱女子耳即係深明大義仰慰先靈慨捐巨資力培學校鳩工閱六年之久用款至數萬之多其所用之貌影宗親皆能公憤勸廉始終不懈是該氏勇於繼志明於

任人善於會計濫於邀獎其孝義才節有足多者涇陽士紳感悅之情溢於衢路雖據聲明不敢邀獎惟所捐銀數準諸給銜建坊之例不啻倍蓰過之其急公好義之忱未敢墮於上聞合無仰懇 天恩賞給已故郎中吳聘及其妻吳周氏二品封典仍給予樂善好施匾額俾與其故父二品封職吳蔚文均准自行建坊以示優獎並免其造冊報銷之處出自逾格 鴻慈允之○鹿傳霖奏陝西學政臣柯逢時仿照東南各省於涇陽縣設立書局校刊經史等書經費難籌而吳周氏於捐建學宮之後復首先報捐銀五千兩其事遂集是其樂善不倦出自性生查海防捐例郎中職銜僅需銀三千八百四十兩該氏所捐書局款項核以郎中職銜有盈無絀可否 賞給伊子吳念昔郎中職銜以昭激勵之處出自 天恩得

旨如所請行○己丑 上諭 大高殿祈雪○以恩佑爲鑲藍旗蒙古副都統○張之洞奏漢口水災得旨知道了卽著飭屬妥爲撫恤毋任失所○張亨嘉奏爲治之本首重人才學校者育才之地而書院則以輔學校所不及也勝國之季樸學浸微士務爲應試之文以弋取科第處士顧炎武作生員論至謂士不成士官不成官將不成將誠有慨乎其言之也 聖清應運經學昌明人才之盛超越前古卽近年削平流寇擁節旌渠樞要書率皆通今學古之行成效亦略可觀矣湖南舊有嶽麓城南兩書院尋常例課八比文前撫臣吳榮光議建校經堂專課經史適會軍興未果前學臣朱迪然重脩前規遴調高才生

來堂別業十餘年來月進窮人才其窮下接遠近間有選補之士計之則皆州至核細堂別業者蓋領士多難致之圖書僻壤鮮觀摩之師友一經調省傳習有自見聞斯開培養之方此爲最善然經費取給於湘岸准商額僅二十四名且係僦屋而居並未議及建置臣比咨商鹽局擴廣捐數函商湘中紳士集款發商生惠咨商撫臣張照擇地建擬校經書院經始於上年十一月落成於本年四月增課額二十名並原額爲四十四名每名月給膏火銀八兩仍仿古人成法分爲經義治事二齋專課經史當世之務區區愚忱務期多士沈潛向學博達古今養成有體有用之才以備他日吏幹軍諮之選再臣查各省書院多缺列聖頒賜匾額此次湘省校經書院告成合無仰懇 天恩頒賜 御書匾額懸挂中堂以煥

宸章而作士氣從此人才蔚起皆出自 聖化之陶成矣允之○葉志超奏奴才所派東北一路官軍追擊下長舉踞賊迭次獲勝各緣由業於十一月十七日陳明在案茲於十九日奴才行抵硃磧科地方距下長舉一百二十里接據提督聶士成稟報十三日派隊抄襲楊家灣一帶匪黨以斷下長舉之援幸已得手擬卽令扼紮旋因兵力見單復令折回合剿隨據探報貝子府之賊現率悍黨千餘名來撲官軍下長舉之賊亦出坪合隊而來當飭各營以五成守營以五成迎擊劉運昌葉玉標率步隊直前與青雲居左江自康居右聶士成自帶馬步小隊在後督戰三面齊攻往來衝突是日自申至酉鏖戰兩時之久斃

來堂肄業十餘年來所造就人才甚衆臣按試邊郡間有通雅之士詢之則皆常至校經堂肄業者蓋貧士多難致之圖書僻壤鮮觀摩之師友一經調省傳習有自見聞斯開培養之方此爲最善然經費取給於湖岸淮商額僅二十四名且係僦屋而居並未議及建置臣比咨商鹽局推廣捐數函商湘中紳士集款發商生惠咨商撫臣張照擇地建擬校經書院經始於上年十一月落成於本年四月增課額二十名並原額爲四十四名每名月給膏火銀八兩仍仿古人成法分爲經義治事二齋專課經史當世之務區區愚忱務期多士沈潛向學博達古今發成有體有用之才以備他日吏幹軍諮之選再臣查各省書院多缺列聖頒賜匾額此次湘省校經書院告成合無仰懇 天恩頒賜 御書匾額懸挂中堂以煥宸章而作士氣從此人才蔚起皆出自 聖化之陶成矣允之○葉志超奏奴才所派東北一路官軍追擊下長舉踞賊迭次獲勝各緣由業於十一月十七日陳明在案茲於十九日奴才行抵硃磧科地方距下長舉一百二十里據提督聶士成稟報十三日派隊抄襲楊家灣一帶匪黨以斷下長舉之援幸已得手擬卽令扼紮旋因兵力見單復令折回合剿隨據探報員子府之賊現率悍黨千餘名來撲官軍下長舉之賊亦出坪合隊而來當飭各營以五成守營以五成迎擊劉運昌葉玉標率步隊直前覷雲居左江自康居右聶士成自帶馬步小隊在後督戰三面齊攻往來衝突是日自申至酉鏖戰兩時之久斃

賊甚多賊勢不支紛紛敗退下長皋之賊仍閉門死守援賊東奔追擊十餘里殺賊二百餘名奪獲驛馬一百餘匹擄鎗鳥鎗三十七桿大黃旗四面刀矛二百餘件陣亡兵勇三名受傷五名十四日寅刻下長皋之賊分三股來撲以兩股攻聶士成之營以一股攻葉玉標之營勢甚兇悍當飭整隊迎擊夏青雲劉運昌亦帶馬隊分路馳至前後夾攻賊復退踞圩內我軍尚未收隊突有大股馬賊三千餘名山貝子府一帶蜂擁而來比令劉運昌葉玉標嚴守西南一面總兵余有雲補用都司于鳴謙各帶勇隊兵隊守東北一路夏青雲江自康仍帶馬隊分居左右聶士成自率馬步小隊居中策應布散市定賊已騎至大半用黑塗鼻紅綫爲號口念咒語向前直衝施放鎗礮子如雨點十分兇悍聶士成等督帶馬步往來包抄衝擊鎗礮齊施鏖戰多時賊前撲後進飛斃雖多仍抵死不退我軍隨身子藥施放幾將一日漸次用盡幸賊之鎗礮被我軍奪獲其火器亦屬無多當令兵勇拔出鎗頭洋刀直前鏖刺短兵相接有進無退呼殺之聲震撼山谷賊傷亡既衆勢不能支始率餘黨仍向貝子府竄遁追殺三十餘里塗鼻之賊約有千餘殲除殆盡時已昏暮未便輕進奪得大礮兩尊鳥鎗擄鎗數百桿驛馬三百餘匹生擒七十餘名訊悉此起之賊係最悍賊目馮天祥率領前來其中死黨甚多故是日之戰屍橫遍野斬殺極衆遁去之賊約不過二三百人我兵陣亡七名受傷三十餘名兵勇連日血戰殺賊甚多此後援賊多寡尙難預料士成

督隊緊攻雖遇風雪滿地冰霜未敢休息等情前來查下長皋距敖罕貝子府四十四里賊以該處爲門戶故迭出悍黨應援現經官兵痛剿雖下長皋未破而散罕悍賊因赴援被剿斬殺已多似宜設法分兵進剿以爲其牽掣奴才并摺後卽親往督剿相機籌辦所有官軍連日擊賊獲勝情形理合會同大學士直隸總督臣李鴻章先行恭摺陳詳 旨覽奏剿辦情形尙屬得手著卽親往督剿務期迅掃逆氛毋留餘孽